

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

Caput XVII. De Cantu Ecclesiastico.

urn:nbn:de:hbz:466:1-10805

2. Ceterum in fine horarum post ultimam Collectam Sacerdos repetita salutatione Domini praesentiam populis adesse precatur, ut, quemadmodum est pollicitus, maneat nobiscum usque ad consummationem seculi. Tum pia plebs ad benedicendum Dominum invitatur, ut, cuius beneficio vivit, in eius semper laudibus perseveret. Responderilla *Deo gratias*, ut in gratiarum actionem definat divinarum laudum celebratio. Quia vero Beata Virgo prima post Deum humani generis hospitatrix semper mortales materno protegit affectu: ideo in fine cujusque officii salutatio quaedam, & deprecation ad eandem Deiparam Virginem effundi solet, ut, si quid in tremendo Dei cultu humana fragilitate erratum est, matris interventu propitiatus Dominus nobis non imputet ad culpam. Ipsa cunctos qui confidunt in ea depulsiis vita procellis munifico fovet amplexu. Ipsa periclitantibus in hoc damnabili mundo salutarem porrigit dexteram. Haec noxios hostium conatus coercet. Si ne aliquo ejus beneficio nullus dies, nulla hora, ac ne tenue quidem momentum transcurrit. Hanc colunt superi, obseruant inferi, mundus adorat: ejus majestatem supremi spiritus perhorrescant. Ejus natus regitur orbis, splendent sidera, micat sol, spirant venti, vernant horti, crescent silvae, redeunt tempora, serviunt elementa. Decus morum, nitorem operum, meritorum gloria in de Mariae gratia suscipimus, cum eam colimus, & veneramur. Novit Ecclesia quanti sit periculi ab indulgentillae matris cura exules filios elongari, ac propterea saluberrimo consilio decrevit, ut ad ejus pretectionem frequenti obsequio configurerent, non solum speciali Officio de ea instituto; sed etiam in fine singularium horarum variis pro ratione temporum adhibitis orationibus. Harum præcipua ea noscitur esse, quæ incipit *Salve Reginæ*, quam Ecclesia Romana certis tantum diebus, quidam vero Regulares quotidie post Completorium solemní modulatione recitare confuerunt. Ejus auctor fuisse dicatur Hermannus Contraftus Monachus S. Benedicti anno 1059. qui cum omnis politioris literaturæ expers omnino esset, B. Virginis intercessione in virum alterum mutatus tantâ deinceps doctrinæ laude resplenduit, ut nulli suo tempore secundus haberetur. Hoc Canticum jam soleinne factum cum Spirens

fes Clerici decantarent, Bernardus Abbas Clarævallis tunc ad Germanos Apostolicus legatus, ut refert in Chronico Spirens Guillelmus Eifengrenius ^t, postrema illa verba ter genua flectens adjunxit, *o clemens, o pia, o dulcis Maria.* At ego libenter huic longo capiti in dulcissimæ Virginis Maris commemo ratione finem impono. Impar equidem sum, & ingenio exilis ejus laudibus referendis, nec mei sermonis penuria sufficit ad ea exprimenda, quæ de tanta maiestate concipio, cuius exiguum partem nec ora mille, totidemque linguae, aut indefessæ vocis æterna series vix attingere possent. Carabo tamen, ut sanctissimum ejus numen, & nomen intra pectoris mei secreta perpetuo cultu custodiatur, quod ut omnes item Christiani efficiant, summopere cupio & exhortor.

^t *Eifengren. lib. 12. ann. 1147.*

CAPUT XVII.

De Cantu Ecclesiastico.

s. I.

*Laudatur universim Musica, ejusque variis,
& admirabiles effectus enumerantur.*

1. **Q**uoniam divinum Officium, ejusque partes non simplici vocis prolatione, sed musico etiam adhibito concentu publicè in Ecclesia persolvi solent, hanc consequenter de Ecclesiastico Cantu tractationem institui, quam Religiosis divinas quotidie laudes decantantibus, nec inutilē fore, nec injundam confido. Ut enim Rabanus Maurus luculentiter affimat, tam nobilis est, tamque utilis rectè canendi disciplina, ut, qui eā carcererit, Ecclesiasticum Officium congruè implice non possit. Nam quicquid in lectiōibus deconter pronunciatur, quicquid de psalmis suauiter modulamur, ita musica scientia temperatur, ut per eam omne Dei servitium implatur. Hinc musicæ rudimenta lac animæ vocat Philo doctissimus Hebræorum initio libri de Agricultura, dicitque Isidorus ^b tam turpe olim fuisse musicam nescire, quam litteras, tantique semper estimatum fuisse cantum ab omnibus

^a *Raban. de inst. Cleric. lib. 3. cap. 24.* ^b *Isidor. lib. 3. origin.*

bus nationibus, ut cunctis solemnis sacris, & profanis adhiberetur. Et nuptias quidem sine musicis concentibus numquam celebratas fuisse ex antiquis Epithalamis luce clarius constat, idq; probat doct^r & diffus^e Paulus Sherlogus^c vir infinite lectionis in Antelouis Canticorum. Sed & conviviis adhibitos olim cantores, ut temperantiae, & moderationis admonerentur convivæ, non ad luxuriam, atq; inanem voluptatem Athenaeus^d, & Plutarchus^e, Græci scriptores commemorant. In funeribus quoque nobilium Græcorum, & Latinorum adfuisse tibicines, & æneatores Seneca in Iudo Claudi^f, Plutarchus de consolatione ad uxorem, Tertullianus de corona militis, Valerius Maximus^g, & alii complures asseverant, huncque morem fecutos fuisse Judæos tum ex Evangelistis, tum ex Flav. Josepho^h cognosci potest. Inter belicos tumultus locum item fuisse modulationi testis est ex Horatio, & Thucydide Franciscus Lutinius Utinensisⁱ in suis Parergis. Nam antiqui duos Pæanes habebant, alterum Martis, quo initio pugnæ utebantur: alterum Apollinis, quem fusi, cæsisque hostibus decantabant. Et cui notus non est tibiarum, tympanorum, tubarumque usus in præliis^j, in suis namque bellis ait Clemens Alexandrinus^k, tuba tituntur Hetrusci, fistulâ Arcades, Siculi autem instrumentis; quæ appellant *trumulos*; Cretenses lyra, Lacedæmonii tibia, cornu Thraces tympano Ægyptii, & Arabes cymbalo. Vegetius^l de re militari; Sive, inquit, ad vigilias, vel agrarias faciendas: sive ad opus aliquod, vel ad decurcionem campi exequunt milites, tibicine vocante operantur, & rursus tibicinae admonente cessant. Lycurgus teste Plutarcho in Laonicis, bellicæ exercitationi Musicae adjunxit studium, ut nimius belli fervor modulatione temperatus concinnitatem nancisceretur. Ita Cretes ad citharam dimicabant, ait Martianus Capella^m, Lacedæmones ad tibiam. Quid Amazones, nonne ad calamos arma tractabant? In Italia Sybaritas tibicines ad prælia præisse quis nesciat? Præter haec de vario Musicae usu in bellis, legendi sunt

^c Sherlog. in Cant. antel. 5. sect. 3. subsec. 1. &c. 3.
^d Athen. lib. 1. &c. 14. ^e Plut. 7. Sympos. f Val. Max. lib. 2. cap. 5. in. 4. ^g Matth. 9. 23. h Joseph. lib. 3. de bello Iudaico. 5. i. Lutini. lib. 2. Parergon. cap. 12. k cl. Alex. lib. 2. Pedag. cap. 4. l. Veget. lib. 2. cap. 22. m Capella de nupt. Meret. & Philologie lib. 9.

Diodorus Siculusⁿ, & Aulus Gellius^o. 2. Ludorum autem quam magna pars fuerit musica, pluribus exequitur in doctissimo opere de Theatro omnium doctrinarum curiosissimus explorator Julius Cæsar Bulengerus. Quid sacrificia commemorem, quid Numinis cultum, qui sine Musica nullo modo constare potest? Ideo sententia Strabonis^p est, omne id quod musicum est opus Dei esse, ipsosque Musicos non solum ministros Dei, sed Deos quodammodo existimandos. Multum itaque Divinitatis obtinet musica, ait Censorinus^q, & animis permovendis plurimum valer. Nam nisi grata esset immortalibus Diis, qui ex anima constant divina, profecto ludi scenici placandorum Deorum causa instituti non essent, nec tibicen omnibus supplicationibus in sacris ædibus adhiberetur. Hominum quoque mentes & ipse divinæ, quamvis Epicuro reclamante, suam naturam per cantus agnoscunt. Denique quò facilis ferant laborem, vel in navis metu à vectore symphonia adhibetur: legionibus quoque in acie dimicantibus, etiam metus mortis classico depellitur. Ob quam rem Pythagoras, ut animum suâ semper divinitate imbueret, priusquam se somno daret, & cum esset experitus cithara, ut ferunt, cantare consueverat. Et Asclepiades Medicus phreneticorum mentes morbo timbatus, saepe per symphoniam sue naturæ reddebat. Hæc Censorinus. Socrates autem vir sapientissimus tantum musicam fecisse dicitur, ut eam natu jam grandior inter pueros edificere non erubuerit. De Arcadibus scribit Polybius Magalopolitanus^r, quod, cum alioquin naturæ essent anterioris, musicis tamen disciplinis mirifice delectabantur. Cæteras artes ignorare nulla apud illos ignominia erat, at musicæ imperitiam fateri turpissimum habebatur. Nec minor Lacedæmonis amor musicæ fuit, quos refert Plutarchus in Laonicis majorem curam de illa, quam de vieti habuisse. Themistoclem narrat Cicero^s cum oblatam in convivio lyram recusasset, habitum fuisse indoctrinatum. Julianus^t desertor impietate notior quam scriptis ipsos barbaros se vidisse testatur rustica carmina verbis facta similibus clangorum, quos asperre clamantes aves edunt, studiosè amplecti, & musicis carminibus delectari. Macrobius lib. 3. 2. 2. bii

ⁿ Diod. lib. 5. c. 9. ^o Gellius 1. 9. c. 11. p Strabo 1. 10. Geograph. q Censorini de die natali c. 11. r Polybius lib. 4. f Cic. 1. Tuscul. t Italian. initio Misopogonis.

bii ^a observatio est plurimarum gentium, vel regionum instituta sanxisse mortuos ad sepulturam cum cantu prosequi oportere, persuasione hac, quā post corpus ad originem dulcedinis musica, hoc est ad cœlum, animæ redire credantur. Lycurgus vir duræ, difficultique vite, musicæ tamen studium in suis legibus commendavit. Hanc primarium Philosophiæ adminiculum Xenocrates Chalcedonius vocabat apud Laertium ^x: Plato etiam, & Aristoteles summa capita Philosophorum hic in Politicis, ille in Cōnvivio, & septimo de legibus eō musicam efferunt, ut in ea potissimum rationem puerilis institutionis constituant. Siebant videlicet viri præstantissimi ita nobis musicam naturaliter conjunctam esse, ut eā nullo modo carere possumus.

3. Nullum est tam immitē, tam asperum peccatum, quod non musicis sonis captiatur. In cuius rei typum fabulantur Poëtæ à Cadmo fistula canente deceptum Typhœum; nam ut explicat Nonnus, in Dionysiis, etiam stolidissimi, & furiosissimi musicā afficiuntur. Nostra enim natura, ait Chrysostomus ^z, usque adeo delectatur Canticis, & carminibus, & tantam cum eis habet necessitudinem, ut vel infantes ab umeribus pendentes, si fleant & afflentur, eā ratione sopiantur. Nutrices quidem, qui eos gestant in ulnis, saepè abeuntes, & redeuntes, & quædam puerilia eis carmina decantantes, supercilia eorum ita sopiunt. Quocircà saepè quoque viatores meridie agentes jugalia animalia hoc faciunt canentes, itineris molestiam illis Canticis consolantes. Nec solum viatores, sed etiam agricolæ uvas in torculari canticantes, vindemiantes, & vites colentes, & quodcumque aliud opus facientes saepè cantant: nautæ quoque remos impellentes hoc faciunt. Jam vero mulieres quoque texentes, & confusa stamina radio discernentes saepè quidem & per se singulæ, saepè autem etiam omnes concorditer unam quamdam melodiam concinunt. Hoc autem faciunt & mulieres, & viatores, & agricolæ, & nautæ, labore, qui ex opere faciendo suscipitur, cantu consolari volentes, ut potè quod anima, si carmina & cantum audierit, molesta & difficultia sit facilius toleratura. Quoniā ergo hoc genus delectationis est animæ nostræ valde cognatum, & familiare; ne dæmones lasciva meretricia

^u Macrob. in som. Scip. 2. cap. 3. ^x Laertius. lib. 4.
^y Nonnus circa fin. lib. 1. ^z Chrys. in Ps. 41.

cantica introducentes omnia everterent, Psalmos Deus construxit, ut ex ea re simul caperetur voluptas, & utilitas. Hactenus Chrysoſt. cui consonans quidam è Poetis ait ^a:

Hoc est cur cantet vincens quoque compede soſſor,
Indoſſili numero cum grave mollit opus.
Cantat & immitens limoſæ pronus arena
Adverso tardam qui vebit amne ratem.
Quique refert pariter lentoſ ad pectora remos
In numerum pulsa brachia versat aqua.
Fessus ut incubuit baculo, ſaxoque riferit
Pafor, arundine carmine mulcet oves.
Cantantis pariter, pariter data pena trahentis
Fallit acillæ, decipiuntque labor.

Etiam monachi antiquiores manibus operantes, & divina psallentes Cantica ipsum labore, ut scribit Augustinus ^b, tanquam divino celestis confolebantur.

4. Ecquid mirum si inter homines tanta musicæ dominatio est, cùm aves quoque, ut luciniæ, cygni, & aliae id genus veluti quādam disciplina artis cantum exerceant; nonnullæ vero terrenæ, & aquatiles bestiæ musicâ suavitate capiantur? Fiftulis aves alliei, serpentes cantu disrumpi comprobatum est, inquit Martianus ^c. Equos tubarum clangore ad prælium concitari testatur Job ^d. Cervos cantu demulceri, & sonitu tibiarum scribunt Plutarchus ^e. & Clemens Alexandrinus ^f. Idem afferit Strabo de elephantiſ. Quod spectat ad pisces, nota est omnibus Arionis Methymnae fabulosa narratio, adeo pro vera habita, ut etiam annalibus inferta apud Historicos ^g fidem invenerit. De hoc Poeta ^g:

Quamvis mutus erat, voci faveſſe putatur
Pisces Arionioſ fabula nota lyræ.

Sed utcumque se habeat Arionis fabella, quam explicat allegoricè Tzetzes ^h in chiliadibus, illud certissima experientia competitum est, Delphinos, & alios quosdam pisces instrumentalis musicâ plurimum delectari, quod etiam Plutarchus afferit in Convivio septem sapientum. Orphei lyra etiam nunc inter fidera nomen habet, cujus dulcedo non solum lenire tygres potuit,

^a Ovidius 4. de Tristib. eleg. 1. ^b Aug. de opere mo-
nach. cap. 17. ^c Martian. lib. 9. *Job. 39. 25. ^d Plu-
tar. 7. Symp. ^e Cl. Alex. init. orat. ad gentes ^f He-
rodotus in Clig. ^g Ovid. 4. de arte ^h Tzetzes Chil. 1
vers. 419.

cuit, rapidosque leones, sed ut Tragicus canit;ⁱ

Cantu tartara flibili,
Et tristes Ereli Deos
Morit, nec timuit stygis
Furatos superis lacus.

Amphioni autem quod tantum carmen, inquit Eumenius Rhetor^k, quæ tanta plectro, fidibusque dulcedo? quam sequuta quondam fixa perhibentur, ut ducentibus subiecta modulis, & ad intervallo carminum resistenter sponte murum velut arte construerent. Hæc figurae præterissim, ni sub eorum cortice præclaræ musicæ dotes continerentur. Orpheus enim, & Amphion, ut docet Macrobius^l in Somnio Scipionis, Pausanias in Beoticis. Palæophatus^m in libro *ætiorum incolarum*, Fulgentius & Natalis Comesⁿ in Mythologis, & alii^o, cùm duros & sylvestros homines è ferinis moribus ad civilem societatem harmonico modulamine transtulissent, locum fabule dederunt, ac propterea dicti sunt immanium ferarum extinxisse furem, fluviorum impetum stitisse, animasse montes, sax & cautibus humanos sensus inservisse.

s. O immensam musicæ suavitatis efficaciam! quam dulci tyranne in omnes Microcosmi potentias dominaris! Transeunt in stuporem admirabiles ejus effectus, ac omnem prorsus amitterent fidem, ni præter summorum virorum auctoritatem continua probarentur experientia. Timotheus musicus quam facile omnes affectus Alexandri in quamcumque partem fleceret Baflius magnus^p, Dio Chrysostomus^q, & Himerius^r Sophista eleganter ostendunt; Hujus postremi verba dignissima profecto sunt, qua transcribantur. Parumne, inquit, Rex aliquando sapuit? non permisit id Timotheus, sed cantu in celum usque Regis animum abduxit. Immoderatene æstuabat animus^s præsens ille elatum animum pulsando citharam domabat. Meestusne erat^t statim ridentem ostendebat. An voluptatibus tenebatur^u post cantum

statim castissimum videbas. Et ut omnia dicam, talem videre eum licebat, quem tibi eum Timotheus reddidisset. Hinc Aristonico Citharoedo æream statuam fieri jussit Alexander, teste Plutarcho^v, sance quam hasta projecta jaceret. Et Pausanias in Corinthiacis effigiem Amoris commemorat Pausæ piatoris opus, qui abjecto arcu & sagittis lyram tenet; quia nimurum musica in omnes affectus humanos dominatur. Sanctus Albertus Monachus^w, cum adhuc secularis esset, audiens Mimum quemdam vitam & conversionem S. Theobaldi musicè decantatem, tanta repente gratia divinitus compunctus est, ut inde ceperit in magna vivere sanctitate. S. Amsbertus Monachus^x, & Episcopus Rothomagensis, cum adhuc Iaicus in aula Regis viveret, diversa musicæ artis instrumenta audiens perforantia dicebat sibi, O bone conditor! quale erit te diligentibus Canticum indeficiens in coelestibus audire Angelorum: quāmque suave, & delectabile sanctorum choris concinibus interesse, si tantam mortalibus præbes industriam, ut peritia artis, ac suavitas cantilenæ provocent animos audientium, ut te Deum creare omnium devotè collaudent? S. Dunstanus Archebisopus Cantuariensis^y adhuc adolescens & se, & alios musicis modulis à turbulentis mundi negotiis avocabat, & in meditationem coelestis harmonie erigebat. B. Maria Oegniacensis, triduo ante obitum jugiter cecinit Cantica inaudita, & mirabilia, & se cantu ad mortem præparavit. Dicitur & Pythagoras in ebrios olim incidens juilisse tibicinem convivio præsidentem mutare harmoniam, ac Dorion ipsis canere, atque hoc modo melodiæ illos ad sobrietatem reduxisse. Parrhasius piator, teste Theophrasto apud Ælianum^z cantu, & modulatione vocis labore artis mitigabat, quod solitum omnibus artificibus commune est. Achilles apud Homerum cum se sentiret iratum, musicæ sensu ad animi sensum redibat: quare Seneca^a inter alia quamplurima ire remedia etiam musicam recenset. Et Climacus^b, Moderata, inquit, melodia furem lenit, & mitigat. Multas autem infirmitates tam mentis quam

ⁱ Seneca in Herc. Oet. eo ait. 3. k Eumen. orat. pro scholis instaurandis. l Macrob. lib. 2. m Paleph. c. 34. ^o 42. n Nat. Comes lib. 7. cap. 14. ^z lib. 8. cap. 15. o Suidas v. Amph. Tzetzes Chil. 1. v. 305. Horatius de arte Poet. p Easf. hom. de legendis Gentilium libris. q Dio Chrys. or. 1. de Regno. r Himerius apud Photium cod. 243.

f Plut. or. 2. de Alexandro. t Surias 7. April. u Amsbertus Monachus in ejus vita. x Osbert. Monachus Cantuar. in ejus vita. y Jacob. de Viriaco vita ejus lib. 2. cap. 11. z Ælian. de var. hist. 1. 9. cap. 11. a Senec. lib. 3. de Irac. cap. 9. b Climac. gr. 8.

quam corporis potenti musicæ pharmaco sanari. Theophrastus ^c, Jamblicus ^d, Martianus Capella ^e, Severinus Boëthius ^f; Joannes Brodaeus ^g, Hieronymus Magius ^h, & alii non contemnendi auctores asseverant: vocum enim concentus ex anima in corpus influere solet, & occulto quodam tramite se se infundens eos praesertim morbos levat, qui animum vehementer exagitant. Xenocrates organicis modulis lymphaticos liberabat. Tales Creensis citharae suavitate pestilentiam fugavit. Empedocles, cum quidam ejus hospitem gladio furibundus invaderet, canendi modo juvenis iracundiam reprellit. *μεταλύσοντες*, quos phalangum virus mortuus pestifer infect, non nisi musicā sanari posse res est manifestissima in Apuliae provincia. Adeò verum est, quod Bion Smyrnæus accedit, nullum esse medicamentum præstantius cantu. Olim cum Lacedæmones bellis civibus affliguntur, oraculum illis redditum est ⁱ, si Terpandrus Merymnaeum cithara canentem audirent, protinus conciliando esse: quod & factum est, nam ejus cantu commoti lacrymantes se invicem osculabantur. Geeta majorum facta ad citharam canebat, ut Jordanus Episcopus ^m eorum Chronologus scribit: & cum legationes obibant, pacem vel impetrare, vel habilire cupientes citharas increpabant eruditio consilio, quod crederent musicam optata pacis blandissimam fore conciliatricem. Has efficacissimas musicæ operationes considerantes nonnulli exigitur inesse musicis concentibus vim quamdam magicanam, & supernaturalem: sed hanc opinionem erroneam esse Martinus Del Rio ⁿ vir doctissimus in suis magicis disquisitionibus luculententer ostendit.

6. Ad sacræ Scripturæ intelligentiam musicam necessariam esse Rupertus Abbas ^o affirmit, probaque Abramum in oratione pro civitatibus illis incendo cœlitus devastans ob rationem musicam numeros illos proposuisse. Eamdem utilem ad omnes scientias docent peritissimi musici Joseph Zerlinus ^p, & Fran-

^c Theophr. I. de enthusiasmo. ^d Iamb. de vita Pythag. lib. I. cap. 25. ^e Mart. Capella. l. 9. ^f Boeth. de musica lib. I. cap. 1. ^g Proclus l. 4. miscell. cap. 31. ^h Magius zar. lettera l. 4. c. 13. ⁱ Gellius lib. 4. c. 13. ^k Bion. Idyll. 5. ^l Tzetzes Chil. t. v. 385. ^m Jordan. de rebus Getar. cap. 19. ⁿ Del Rio dñs. magie. l. 1. c. 4. qu. 2. ^o Ruperti. lib. 7. de operibus Spiritus sancti. c. 16. ^p in Gen. lib. 16. cap. 5. ^r Zerlin. lib. 1. harmonic. institutionum.

chinus Gafforius ^q. In ipso sermone inesse musicam Priscianus Cæsariensis Grammaticus lib. de accentibus, Diomedes lib. 2. ^r Alius Donatus cap. de Tonis, Cledonius senator in Donati expositione, & alii Grammatici ostendunt, itemque Augustinus in libris de Musica. Ad Architecturam quantum valeat longo sermone Vitruvius exequitur. Quantum etiam medico profit scribit Ficinus ^s Antonio Canisiano. Dicibus attributa nomina ex Planetis secundum musicam habitudinem ex Dione Cassio ^t didici; nam feria secunda dies Luna dicitur, feria autem tercia non à Mercurio juxta naturalem sphærarum ordinem, sed à Marte denominatur, quia Luna ad Martem proportionem habet sesquialteram, ex qua oritur consonantia diapente. Post diem Martis Mercurii diem numeramus, Martis enim ad Mercurium intervallum est sesquiterium, è quo provenit diatessaron cum superiori diapente plenum diaison efficiens. Idem consonantiarum respectus in cæteris diebus observatus est. Pythagoram refert Jamblicus omnem recte vivendi institutionem per musicam constituisse. Ägypti quoque, teste Pierio ^u, musicæ symbolo mores compostissimos intelligebant: Priscis enim seculis modello fuit cantorum genus, & Philosophica prorsus morum gravitate. Quamobrem Aganiemnon ^v peregrè profecturus uxorem Clytemnestram Cantori reliquit custodiendam, ut ab improbis cogitationibus mentem ejus averteret illustrium treminarum exempla pudicis modis decantando. Nec prius Ägyptus illi vitium potuit inferre, quam Cantorem interemisset. Ericus secundus cognomento Bonus Rex Danie in rabiem tractus est à Citharedo, si verax est Saxo ^x in Historia. Contra vero Terpander coortam Lacedæmonie seditionem musica sedasse dicitur apud Plutarchum ^y. Idem Lacedæmonii, ut scribit Tyrillus ^z doctrina, & nomine Maximus, ex Tyrtæi carminibus annos sumpserunt. Argivi ex Telestæ melodia, Lesbii ex odis Alcæi. Proclum in gravissimis cruciatibus doloris remissionem cantu consecutum fuisse testatur Marinus in ejus vita. Vis enim carminis, ait Georgias ^a, cum animi

^q Gaffor. lib. 1. Musicæ theoretice. ^r Ficin. l. 1. q. 1. ^s Dio Cassius lib. 37. ^t Pier. lib. 23. hieroglyph. cap. 1. ^u Eustathius in 2. Odys. ^x Saxo hist. Danie lib. 12. ^y Plutarch. l. de musica. ^z Tyrillus fer. 21. ^a Georgias or. in Helenam.

animi opinionē conjuncta fascino eam demulcet, & quō vult transfert. Hesiodus in Theogonia beatos esse musicos prædicat, qui psallentes omnium dolorum obliviscuntur. Idem de se canit Horatius.^b

*Musis amicus trifitiam, & metus
Tradam protervis in mare Creticum
Portare ventis.*

7. Sextus Empyricus Pyrrhonius cum omnium scientiarum hostis, & everfor fuerit, musicam tamen laudat, quod non per vim imperat, sed cum voluntaria quadam persuasione. Docet Plotinus & Platonice Sapientiae antistes per musicam reduci hominem ad Deum. Quam infidelis hominis sententiam Rupertus Abbas & confirmare videtur. Movet enim intus musica, ait ipse, vi quadam & potentia naturali spiritum hominis, & cum decenter convenit cum verbo, vel sensu divina laudis concutit penetralia cordis, & illam quam accepit homo, resuscitat in eo gratiam Spiritus sancti. Hinc Propheta Elisaeus^c requisitus a Regibus, ut futuri belli exitum prænunciaret, iussit sibi psaltē adduci, quo psallente facta est super eum manus Domini, statimque Spiritus Propheticus, qui propter præcedentem commotionem recesserat, restitutus est ei. Quid igitur aliud de Prophetico viro sentire oportet, ait Richardus Victorinus^d, nisi quod dexterior harmonia interiore illam, & spiritualem ei harmoniam ad memoriam reduxit, & audita melodia audientis animum ad afflcta gaudia revocavit? Pergit Richardus, & ostendit magnam esse musicæ utilitatem ad gratiam contemplationis comparandam. Agit quippe cantus in spiritum, eumque potentissime afficiens ad Cœlestes influxus recipiendos idoneum efficere censetur: quia dum auribus, inquit Alcinous^e, vocum haurimus harmoniam ab iis quæ audiuntur, ad ea quæ intellectu percipiuntur gradatim ascendimus. Quod si cantus occulta proprietate mentem revocat ad divinam, quid mirum si mali spiritus musicæ suavitatem sustinere non possunt? Nam citharam pulsante David recedebat a Saul spiritus malus. Rebelles enim dæmones in malo

obdurati, cum nullo modo reduci possint ad Deum, omnem concordiam, & harmoniam implacabili odio prosequuntur. Mira res, inquit egregius Scriptor B. Thomas de Villanova^f Archiepiscopus Valentinus, musicā fugatur diabolus, & qui juxta sententiam Job sagittas reputat quasi paleas, & lapides fundæ velut stipulas spernit, deridet etiam vibrantem hastam, & durissimos malleos pro nihilo pendit, ad citharae sonitum tremefactus recedit, & quem nulla vis superat, superat harmonia.

8. Julianus Imperator & laudabilis scriptor, si in fide Christi perficitur, nihil aliud fuisse arbitratur celeberrimum illud Homer^g! Nepenthes omnium malorum oblivionem inducens, quod Polydamma Ægyptia Thonis uxor temperavit, Helena vero Hospitalis cuiusdam munieris loco dedit, quam consummatam musicæ consonantiam, omnibusque numeris absolutam symphoniam. Vinum, & musica, ait Sapiens^h, laetificant cor. Quid enim illa præstantius, ut magius scribit Cæliodorusⁱ, quæ naturæ convenientiam ubique dispersam virtutis suæ gratia comprehendit? Hæc cum de secreto naturæ tanquam sensuum Regina tropis suis ornata processerit, reliquæ cogitationes exiliunt, ut ipsam solummodo delecerit auditio. Hæc trifitiam noxiam jucundat, tumidos furores attenuat, cruentam savitiam efficit blandam, excitat ignaviam, soporantemque languorem, vigilantibus reddit saluberrimam quietem, vitiatam turpi amore ad honestum studium revocat castitatem, fanaticum tamen tedium bonis cogitationibus semper aduersum, perniciosa odia convertit ad auxiliatricem gratiam, & quod beatum genus curationis est, per dulcissimas voluptates expellit animi passiones. Incorpoream animam corporaliter mulcet, & solo auditu ad quod vult deducit, & per insensibilium obsequium prævalet sensuum exercere dominatum. Hæc Cæliodorus, cui consonans Maximus Tyrius^j, Humanam musicam, ait, quæ animos circuit, quidnam aliud esse dixerimus, quam paedagogicum quoddam officium, quod animæ affectiones moderatur? Id enim nimiam elationem, impetuque animi quasi quibusdam incantationibus demulcet, remissionem atque infractionem sublevat, exacuteque. Musica aptissima artifex

Sffff est

ⁱ Thom. Valent. serm. de Visitat. B. V. ^k Julian. init. or. 8. ^l Homer. Odyss. 8. & Diodor. Sicul. lib. 1. in Ecl. 40. 20. ^m Cæliod. l. 2. var. Ep. 40. ⁿ Tyrius str. 21.

est in luctu levando, in contundenda iracundia, in comprimenda audacia, in temperanda bonorum virorum cupiditate, in sanando dolore, in consolandis amoribus, in levanda miseria. Optima in sacrificiis comes, fodalis in convivio, imperatrix in bello, aptissima præterea ad celebritates inspergendas leporibus, Dionysiaque exhilaranda. Sed cur musicam oportet tam multo celebrare sermone, aut ejus exaggerare dignitatem? quando eam satis constat, optimam pacis atque otii nobiscum ministram esse, optimam commilitonem, egregiam nobiscum civem, aptissimam puerorum nutricem. Ocytissime namque ex omnibus sensibus auditus quocunque novit, transmittit ad animum, sibique consentientissimum reddens in eosdem affectionum impetus trahit. Unde animi musicæ expertes nunquam erit ut rectè cultores legis evadant. Hactenus ille.

9. Possem & alia plura in musicæ commendationem ex variis Auctoribus tum vetustis tum recentioribus hoc transferre; sed mihi animus est ea feligere, quæ propius rem nostram attingunt. Curioso autem lectori plurima suppeditabunt Clemens Alexandrinus lib. 6. Stromatum, Justinus Martyr, quest. 107. Beda lib. de musica, Cicero 1. & 4. Tusculan. Quintilanus lib. 1. cap. 10. Lucianus de saltatione, Athenaeus lib. 14. Sextus Empyricus lib. 6. adversus Mathematicos, qui est adversus musicos, Dio Chrysostomus oratione 1. & 31. Jamblicus de vita Pythagoræ lib. 1. cap. 15. Joannes Sarisberiensis lib. 1. Politicici, Franciscus Georgius Venetus in Harmonia mundi, Bartholomaeus Chassanæus in Catalogo gloriae mundi parte 10. confid. 51. Julius Cæsar Bulengerus lib. 2. de Theatro, Petrus Montius lib. 4. de varietate unius legis cap. 25. Fabius Paulinus lib. 2. 3. & 4. de septenario, Ccelius Rhodiginus lib. 1. Roderic. Zamoren, lib. 3. speculi cap. 39. Marcellus Ficinus de vita calitus comparanda cap. 21. Marinus Mersennius in cap. 4. Genesis diffusissime, Petrus Faber de re athletica, Raphaël Volaterranus lib. 35. Commentariorum Urbani, Guillelmus Parisiensis secunda pars de Universo p. 3. cap. 20. Hieronymus Osorius in fine libri 4. de Regis institutione, Angelus Minorita, initio lib. 1. floris Angelici, Ottomarus Luscinius lib. 1. Musurgie, Athanasius Kircher Fuldensis lib. 3. artis magnetice par. 8. quæ est de magnetismo musicæ & in Arte magna coniuncti, & dissoni, sive Musurgia Universalis, Tira-

quellus libro de nobilitate cap. 34. Ludovicus Cre-
folius lib. 3. mystagog. cap. 27. & alii innumeris,
illi præfertim, qui mulcas institutiones con-
scriperunt.

METRUM XLIII.

E La cantu personate
Quotquot estis musici.
E ja laudes, eja nomen
Personate Numinis.
Huc adeste voce, plausu,
Orbis omnes incole,
Huc adeste mente pura
Qui Deum veremini.
Barbato dulci sonate,
Mollibusque Canticis.
Organorum, buccinarum,
Et lyrae concentibus.
Nunciate quam potenti
Cumcta firmet dextera.
Predicate quam benigna
Nos regat clementia.
Ferte laudes, ferte cantus
Ejus ad sacrarium:
Plaudat orbis: plaudat æther
Nabliis, & tympanis.
Angelorum candidati
Personent exercitus.
Cælitumque gloriofa
Turba laudes concinat.
Astra laudent, & serenum
Quicquid ornat æthera.
Terra saltet & choreis
Lætablandis persparet.
Alta plaudant floridorum
Montium cacumina.
Pontus ad fit, & capaci
Quicquid alvo continet,
Annuumque pura rauco
Psallat unda murmur.
O superne Rex polorum,
Quo jubente vivimus,
Te patrem prona adores
Trina rerum machina.
Te potentem læta honorat
Omnis orbis natio.
Eja cantu personate
Quotquot estis musici?
Eja laudes, eja nomen
Personate Numinis.

§.II. D.



§. II.

*Dicta quedam de harmonia mundi. Inesse
musicam singulis rebus. Origo musicæ.
De canto Ecclesiastico. Eum antiquissi-
mum esse. An instrumenta musicalia ad-
mittenda in Ecclesia. Primus Organis-
rum usus.*

Platonici cum vidissent omne quod vivit cantibus permulceri, cœlestem animam, qua universum animaretur, originem sumpsisse autumant à musica. Nam & eloquium Dei è nihilo cuncta creantis musicum cantum suisse scribunt *p.*, & omnia musicis proportionibus constare asseverant. Ipsam animam rationalem ex harmonia componi falso quidam ex ipsis arbitrantur, quem errorē egregie confutant Nemesius *s.*, Iſidorus Pelusiota *r.*, & ex recentioribus Marsilius Ficinus *s.* De mystica Angelorum harmonia agit Dionysius Arcopagita cap. 10. Cœlestis Hierarchia. De musica sive consonantia Christi ad nos, & quomodo simplus Salvatoris nostri duplo nostro concinnat ad salutem, docte, & diffuse differit Augustinus initio libri quarti de Trinitate. Nolo hic autem cum Scipione somnante cœlos concendere, & cum Aurelio Macrobius Pythagoricum cœlorum concentum speculari. Nolo ex Epicuri intermundiis imaginariam musicam huc deducere. Nolo fiderum, mundique harmoniam inutili curiositate investigare. Quomodo videlicet terra cum Luna conveniat: aqua cum Mercurio, & Saturno intersonet: reboet cum Jove, & Venere aër: ferveat ignis cum Sole, & Marte: quo sonitu lapides, & metalla Marti respondeant: herba cum Jove, animalia cum firmamento. Hæc lascivientis ingenii lucubra menta curiosam quidem, sed parum solidam doctrinam continent. Scriptis de harmonia mundi Franciscus Georgius Venerus vir Platonicus, & Cabalistis plus justo additus insigne volumen, jucunda magis, quam necessaria subtilitate juxta Ecclesiastificam censuram expurgandum, quod in tria Cantica di-

visit. Canticum primo tractat de Deo, quatenus est principium & finis universorum; & desu-
stima consonantia, qua ad invicem, & cum
supremo Archetypo resonant creature. Can-
ticum secundo demonstrat quam multiplici con-
sonantia omnia membra cum capite Christo
conveniant. Tertiò agit de hominis cum suo
opifice, de minoris cum majori mundo con-
cordantia, de concentu quem faciunt homi-
nes boni cum Deo: Tum de corporis & ani-
mae harmonia in melius mutanda per resur-
rectionem, deque æterna pausa in coelesti be-
atitudine. Scriptis etiam de humana, & mun-
dana musica diffusissime Robertus à Flud, sive
de Fluctibus Oxoniensis in sua utriusque Cosmi
historia. Sed ejus harmoniam Joannes Keppeler
Mathematicus libro de harmonia mundi in
quinque tractatus diviso, itemque in Myste-
rio Cosmographicò fallacem, & dissonam mult-
is rationibus esse contendit. At Robertus in
Proscenio Veritatis, & in Monochordo Mun-
di acriter se tuerit, & rationes Keppleri ever-
tere conatur. Ambo autem Andabatarum mo-
re in tenebris digladiantur, nam extra Eccle-
siæ castra militantes, cum careant fide per dilec-
tionem operante, vera etiam & consonantia
musica caruisse digneuntur. Ipsos consulat
cui licet, & liber. Doctius de hac musica, &
adversus Fluddi mendacia differunt viri docti-
simi Marinus Mersennius in insigni suo Com-
mentario super Genesim, & Athanasius Kir-
cher in sua Musurgia universalì. Aliam item
mundi visibilis harmoniam dimensionem tra-
dit vir peritissimus rei Mathematicæ Marius
Bettinus Bononiensis ». Hanc eandem universi
harmoniam antiquiores Sophi pertractant Trit-
megistus, Plotinus, Proclus, Jamblicus, Maxi-
mus Tyrius, Chalcidius, & alii Platonici paf-
sim, Heracles in Allegoriis Homeri, Cle-
mens Alexandrinus initio orationis ad Græcos.
Boëtius lib. 1. musicæ, Plutarchus in quæstio-
nibus Platonicis, & libro de animæ pro-
creatione ex Timæo Platonis, Plinius lib. 2.
Macrobius in somnium Scipionis, Censorius,
Martianus Capella, & omnes ferè re-
centiores, qui harmonicas institutiones con-
scriperunt. A primo enim tenebroso corpo-
re, ait gravis scriptor Guilbertus Tornacensis »,
infra quod nihil est, usque ad Deum,

p Ficin. in Timeum Platonis. q Nemes. de nat. hominis. r Isidor. l.4. Ep. 125. f Ficin. lib. 7. Platonicae Theologiae c. 10. & Io. Sarisberiens. lib. 1. Polycratici. t Macrob. in somni. Scip. l.1.

u. Bettinus Apario 10. progym. 1. propos. 3. x Guibert. tract. de pace c. 14.

supra quem nihil est, quædam musica sive harmonia reperitur, per quam invicem universa cohærent. Et ut Ruricius ^y Lemovicensis Episcopus ad Hesperium scribit. In harmonia mundi universa animantia bruta pariter, & elingua, incendia, voluntas, atque vocibus, et si sono diffono, aut ore diverso, par tamen affectu, quasi uno concentu in laudem proprii auctoris erumpunt, & potentiam quam promere nequeunt, sentire se produnt. De harmonica anime compositione ex placitis Platonicorum docte & diffusè, sed obscurè differit Christophorus Marcellus libro 6. de Anima.

2. Ceterum cum de musica loquimur, pi culum grave esset ejus originem præterire. Nam plerique Graecorum ad Pythagoram, alii ad Mercurium, alii ad alios referunt, quorum mendacia recenset Bulengerus ^z Mendacia dixi, nam sacra Mosis historia docet * Jubal de progenie Cain fuisse patrem canentium cithara, & organo. Quomodo autem Pythagoras ex sonitu malleorum musicam invenisse dicatur, tractat diffusè Jamblicus ^a in ejus vita, Plutarchus ^b in symposiacis explicans dictum illud antiquum, Amor musicam docet, Theophrastum laudat, qui libro de musica tria ejus principia facit dolorem, voluptatem, & instinctum divinum; nam unumquodque horum vocem à consueto modo aversam ad canendum inclinat. Sed si quis unquam amavit, sanè fatetur Amorem primum musicæ inventorem, primum ejus principium esse. Amorem omnium artium, scientiarumque Magistrum vocant Platonici, prima tamen Amoris scientia musica est, teste ipso Platone in doctissimo illo convivio, quo ejusdem Amoris describuntur actiones. Hæc de musicæ origine dum scribo, occurrit mihi fabula quedam non indigna relatu, quod à viro summae sapientiae Philone Judæo ^c eam didicerim. Cum Deus, inquit, rerum omnium conditor è nihilo cuncta creasset, jamque hominem operum suorum principem constituisset, videns cuncta qua fecerat, eorumque pulchritudinem suspiciens unum de Prophetis interrogavit, num aliquid ad universi perfectionem decesset. Deest unum, ait ille, quod tamen mihi prorsus necessarium videtur, de-

^y Ruricius lib. 1. Epist. 5. ^z Bulenger. lib. 2. de Theatro, cap. 3. * Gen. 4. 21. a Jamblic. l. 1. cap. 26. b Plutarch. Sympof. lib. 1. q. 5. c Philo lib. de Plantatione Noe.

est inquam concinnus sermo, qui omnia quæ tu creasti, tuamque bonitatem, & providentiam jugiter laudet. Placuit Dœo haec tam comoda admonitio, statimque musicorum genus creavit, qui Deum mirabilem in operibus suis dulciter decantarent. Significat ad fabulatio aut solum esse, aut præcipuum musicæ usum divinas laudes resonare. Nescio autem an hujus fabulae occasionem acceperit Philo ab Hermete illo ter maximo, qui scribit in Asclepio musicam suavitatem ad concordandas Dei cœlestiumque laudes hominibus indultam, ne terrenus mundus videretur in cultiori, si modulorum dulcedine caruisset. Verum has Niloticæ calami argutias, ut Apuleius ^d loquitur, prætermittentes, jam ipsam musicam in sacrofæcta Christi Ecclesia resonantem audiamus.

3. Ab ipso Domino, & ab Apostolis, sit Augustinus ^e, Psalmos & Hymnos canendi habemus documenta, & exempla, & præcepta. In veteri quoque testamento quam multiplex cantorum, ac musicalium instrumentorum mentio habetur, ut divina præconia ordinatissimis vicibus celebrarentur. Davide in Canticis eruditissimum celebrat Augustinus f. Salomonem ejus filium musicæ item peritissimum Pineda ^g commendat. Quid Moses ^f quid veteres Patriarchæ ^g an musicam ignorarunt, quos adeo frequentes in divinis modulationibus sacræ literæ asseverant? Superfluum igitur fuerit sive ad probandam Ecclesiastici cantus antiquitatem, sive ad multam ejus utilitatem adversus novatores astringandam sanctorum Patrum, & Scripturarum testimonia coacervare. Statutus ego sim si rem clarissimam, & jam à multis auctoribus illustratam velim clarius illustrare. Legendi de hac re Bellarminus tom. 4. controversialium lib. 1. de bonis operibus in particulari cap. 16. Albertus Pighius lib. 1. Ecclesiastica Hierarchie. Thomas Valdensis tom. 3. Doctrinalis tit. 2. Alphonsus à Castro lib. 4. aduersus heres, Antonius Demochares lib. 4. de Missa cap. 12. & 13. Joannes Filescus Theologus Parisiensis libro 2. Selectorum. Ludovicus Crefolius libro 3. mystagogi. Pamelius tome 1. Liturgiæ Latinorum. Franciscus Suarez tomo secundo de Religione libro 4. cap. 7. & 8. Baronius

anno

^d Apol. lib. 1. metamorph. ^e Aug. Ep. 119. c. 18. ^f Idem de civitate Dei lib. 17. cap. 14. ^g Pineda de reb. Salom. lib. 3. cap. 13.

anno 60. numero 24. Durantus Tolosanus lib. 3.
de ritibus Ecclesiae cap. 21. Scholastici cum D.
Thoma 2. 2. q. 91. & ali multi.

4. Una autem difficultas hic enodanda videtur : An deceat Ecclesiam instrumentis musicalibus uti in divinae Synaxis celebrationē. Rem ambiguam reddit diverse diverforū sententia. Autōr quæstionum ad Orthodoxos in eis opera Justini Martyris ^b cantum vocalem laudat, sed ad cantum adhiberi instrumenta non permittit. Sancti quoque Patres Joānes Chrysostomus ⁱ, & Isidorus Pelusiota ^k solis Hebreis permissa olim instrumenta scribunt ob eorum imbecillitatem. Damnat eadem instrumenta elegantissima oratione S. Aelredus ^l Abbas Rievallis Bernardi synchronus, & discipulus : Unde, inquit, cestantibus jam typis, & figuris, unde in Ecclesia tot organa, tot cymbala? Ad quid, rogo, terribilis ille follium fatus tonitri potius fragorem, quam vocis exprimens suavitatem? Pergit sanctus Pater, & cantum quoque figurarum fugillans ait: Ad quid illa vocis contractio, & infractio? Hic succinit, ille desinat, alter supercinit, alter medias quadam notas dividit, & incidit. Nunc vox stringitur, nunc frangitur, nunc impingitur, nunc diffusiori sonitu dilatatur. Aliquando, quod pudet dicere, in equinos hinnitus cogitur, aliquando virili vigore deposito in fecminea vocis gracilitates acutur, nonnquam artificiose quadam circumvolutione torquetur, & retorquetur. Videas aliquando hominem aperto ore quasi intercluso halitus expirare, non cantare : ac ridiculosa quadam vocis interceptione quasi minitari silentium, nunc agones morientium, vel extasim patientium imitari. Interim histrionicis quibusdam gestibus totum corpus agitatur, torquentur labia, rotantur oculi, ludunt humeri, & ad singulas quasque notas digitorum flexus respondet. Et haec ridiculosa dissolutio vocatur religio: & ubi haec frequentius agitantur, ibi Deo honorabilius serviri clamatur. Haec tenus ille. Sed alii è diverso instrumentorum usum admittunt, & laudent. Et primò quidem Christianus Paedagogus apud Clementem Alexandrinum ^m instrumentis uti permittit. Deinde Prudentius audiendus est, qui vivebat sub

H Justin. q. 107. i Chrysost. in Psal. 150. k Isidor. lib. 2. Ep. 176. l Alred. lib. 2. speculi charitatis cap. 23. m C. Alex. pedag. lib. 2. cap. 4. n Pseudo-adv. judges.

Theodosio seniore, & filiis ejus. Sic autem canit;
Quicquid in ære cævo reboans tuba curva remu-
git,
Quicquid in arcano vomit ingens spiritus haustu,
Quicquid casta chelys, quicquid i testudo resultat,
Organæ disparibus calamis quod consona mis-
cent,
Æmula pastorum quod reddunt vocibus antra,
Christum concelebrat, Christum sonat, omnia
Christum,
Muta etiam fidibus sanctis animata loquantur.

E Scriptoribus denique recentioribus Joannes Sarisberiensis Carnotensis Episcopus proibit in medium, qui eodem quo Aelredus seculo vixit, tempore scilicet Alexandri III. Is libro primo Policeratci musicam instrumentalem commendat his verbis. Ad mores itaque instrumentos, & animos exultatione virtutis trahiendo in cultum Domini, non modo concentum hominum, sed etiam instrumentorum modos censuerunt sancti Patres Domino applicando, cum templi reverentiam dilatarent. Et si militans Ecclesiae tibi parva videtur auctoritas, vel triumphatrix illa præconia musica non tacebit, cuius seniores vident, & tibi monstravit tonitrui filius, & voices eorum sicut citharedorum citharizantium in citharis suis. Quod si illos nondum audisti, Regem audias exultantem, qui te regni, & exultationis suæ vult esse partipem. Ait enim, *Sumite Psalmum, & date tympanum, Psalterium jucundum cum cithara.* Ad quid inquis? Ut laudetis Dominum in tympano, & choro, in chordis & organo.

5. Constat igitur ex dictis, nec statim ab initio, nec ubique recepta fuisse musicalia instrumenta: nam etiam nunc Romæ in sacello summi Pontificis semper sine instrumentis officiorum solemnia celebrantur; & Ecclesia Lugdunensis, quæ novitates nescit, semper organa repudiavit, neque in hunc diem alcivit. Non tamen damnari debet moderatus error usus, cum à sanctissimis, & sapientissimis viris, ac novissimè à sancto Tridentino Concilio approbatus & permisus fit. Lætitiat organorum concentus tristes hominum mentes, & supernæ civitatis insinuat jucunditatem: sollicitat pigros, recreat diligentes: provocat justos ad amorem, peccatores ad communionem. Qui Deum diligunt, ait Clima-

cus. ad hilaritatem & divinam dilectionem, atque ad lachrymas, & ex mundanis, & ex spiritualibus Canticis ac melodis excitari solent, qui verò voluptatibus addicti sunt, sibi colligunt materiam perditionis. Porrò organa puerum aetate Juliani Apostatae adinventa fuisse docet Bulengerus ^{p.}. Excat autem ejusdem Juliani Epigramma in organum, à P. Martinio Morentino relatum præfatione in ejus Miropogonem, quod hic transcribere non gravabor.

*Quam cerno alterius nature est fistula: nempe
Altera produxit fortasse hanc ænea tellus.
Horrendum fridet, nec nostris illa movetur
Flatibus, at missus taurino è carcere ventus
Subtus agit lœves calamos, perque ima vagatur.
Mox aliquis velox digitis, insignis & arte
Adstat, concordes calamis pulsatque tabellas:
Ait illæ subito exiliunt, & carmina nesciunt.*

Hæc organa statim audiri cœperunt in Ecclesia permittente Damaso Pontifice, ut quidam ajunt apud Cresolium ^{q.} in Mystagogo. Sed verior, & communior sententia Platina est afferentis eorum usum tempore Vitaliani Papæ circa annum Domini 660. in Ecclesiis incepisse. Definio, si prius Ecclesiasticos cantores admonuero, ne ad usum illicitæ voluptatis assumant, quod sancti Patres ad effectum pietatis instituerunt. Talis enim debet esse sonus, tam gravis, tam moderatus, ut non totum animum ad suaripiat oblationem; sed eorum quæ cantantur sensui, & pietatis affectui majorem relinquit portionem.

§. III.

Cantus Ecclesiastici qui fuerint primi inventores. De musicis, & cantoribus, corrumque discrimine. De tōnis, seu modis tropicis. Omnem musicæ mutationem malam esse. Cur ab hodierna musica non idem effectus sint, qui ab antiqua. Actum obiter de triplici genere cantus Diatonico, Chromatico, Enharmonicō.

I. **A**B Apostolis, & Apostolicis viris Ecclesiastici cantus initia fuisse doctissimus

^o Climac. gr. 15. p Eudeng. lib 2. de Theatr. q Cre-
ci. lib. 3 Mystag. c. 27. r Baron. an. 60. m. 24. & seqq.

Cardinalis Baronius ^r tam evidenter ostendit, ut nihil ejus eruditioni adjungi possit. Quod autem Theodoretus ^s & Nicephorus ^t S. Ephrem Syro harmoniacæ modulationis inventio-nem attribuunt, id ita intelligendum est, quod vel antiquum captum in aliqua particulari Ecclesia instituerit: vel canendi methodum, & notulas intervallorum ac vocum indices aliquā faciliori ratione innovārit. Sic Joannes Damascenus novam quandam musicæ rationem pro Ecclesiasticis cantibus adinvenisse perhibetur. Sic Magnus Gregorius non omnem can-tum, sed plānum & unisōnum adinvenit, quo deinceps semper uia est Ecclesia Latina. Sic etiam Guido Aretinus Monachus S. Benedicti anno Domini vigefimo secundo supra millesi-mum maximā omnium admiratione novam musicæ rationem, novasque claves edocuit, & manū quam vocant cum sex vulgaribus notis, aedē ut puer rudis & semigrammaticus paucis mensibus addisceret, quod homo grandævus, magnoque pollens ingenio vix pluribus annis addiscere potuisset. Erat enim ante ipsum difficillimus cantus, quem nunc balbutientes pueri nullo negotio ediscunt. Hoc item seculo Erycius Puteanus ^u vir eruditissimus, & omni doctrinâ refertus duobus editis libellis ad sex vulgares notas septimam ad-jungere conatus est, ut omnes vocum muta-tiones tollantur, quæ pueris majus negotium in cantu discendo faciliunt; & hoc modo pra-xis musicæ multo facilior reddatur. Porrò mu-sica antiqua pro notis literas Græcas habuit, nunc rectas, nunc inversas, nunc alio situ super verba canenda collocatas. In media literarum usus, sed latinarum, de quibus earumque sig-nificatione in superscriptione cantilenæ extat Notkeri Monachi parvus tractatus in supple-mento Bibliothecæ veterum Patrum editio-nis Coloniensis. In harmonia denique nostra diversa forma est, ut omnes norunt. Scriptis de notis musicis librum Alypius Græcus, cu-jus meminit Vincentius Galilæus in suo opere de nova, & antiqua musica, quod musicis, & cantoribus valde utile est. Cantorum verò, & musicorum magnum esse discriminem docet Boethius ^v. Cantor ille est, qui harmoniacæ rationis expers, & à musicæ scientiæ intel-lectu

^f Theodoret. hist. Eccl. lib. 4. cap. 19. ^t Nicephor. lib. 9. c. 19. ^u Puteanus in Musathena. ^o Pallade modulata. ^x Boeth. de musica lib. 1. cap. ult.

lectu sejunctus famulatur, nec quicquam affert rationis: is autem musicus est, qui ratione perpensa canendi scientiam non servitio operis, sed imperio speculationis assumit. Cantor nec discernens musicam, nec diuidicans, vocem suam auctere quidem, elevare, ac deprimere novit per phthongos, & intervalla; sed musicum systema, variamque modorum ordinationem prorsus ignorat. Musicus ordinationem prorsus ignorat. Musicus ordinat, & componit cantum, scitque eorum quæ cantantur rationem reddere. Hoc prænotato, quia Davo, & Oedippo debitor sum, opera pretium me facturum arbitror, si quædam de tonis, & modis musicis tractavero, quo prænoscentes musicæ artificium & ornamenti alacriores in Dei landibus decantandis sacri cantores inveniantur. In qua sanè tractatione ne molestus sit mihi lector, si prolixus fuero; nam, ut fatear quod res est, & musicam amo, & pudet me plerosque Ecclesiasticos viros totius virtutis in cantu versari, ipsum vero cantum, quod turpe est, ignorare.

2. Ex diapason igitur consonantia speciebus, ut cum Boethio loquar, existunt qui appellantur modi, quos eisdem tropos, vel tonos nominant. Sunt autem tropi constitutiones in totis vocum ordinibus, vel gravitate, vel acuminè differentes, quorum omnium compositio plenum continet diapason, sive octavam, ut ajunt, quæ ex octo vocibus constat & septem intervallis. Omnis vero tonus certos modos & terminos vocis elevandas vel deprimendas diffinit, & certis quibusdam differentiis omnem cantum coeret, qui, quoniam à gravi vertitur in acutum, inde tropi nomenclaturam accepit. De numero, & nominibus eorum dubitatum sepè est à viris doctis. Martianus Felix Capella quindecim enumerat, quorum quinque principales, alii collaterales sunt additis particulis *ante* & *intra* super, & *sub*tonis; quia super vel subtus principales proxime collocantur. Primus est Lydius, cui adhaerent hyperlydius, & hypolydius. Secundus Iastius, cui sociantur hyperiastius, & hypoiaстius. Tertius Aeolius cùm hyperæolio, & hypoæolio. Quartus Phrygius cùm duobus hyperphrygio, & hypophrygio. Quintus Dorius cùm hyperdorio, & hypodorio. Alypius eisdem quindecim modos enumerat. Verum hi modi super additi ad pleni & integri systematis sensibilem

harmoniam inutiles sunt, quos Cassiodorus ita constituit, ut à se invicem sola semitonii intentione, vel remissione superentur: propterea in genere datonico locum habere non possunt. Plato numerum senarium, Aristoteles, Bacchius, & Pappus Alexandrinus septenarium non excedunt. Ptolomæus ut totum diapason sistema modulus conveniret, octavum & acutissimum modum adjunxit, quem hypermixolydiū nuncupavit. Censorinus ^z, Genza, inquit, carminum tredecim sunt, ex quibus prima sunt Dorian, Phrygian, Lydian. His accesserunt gravissimum hyperdorium, mox duo hypophrygii gravior, & acutior, deinde Doris medius, tum Phrygianus gravis & alter excelsus: totidem lydii gravis & acutus: tum mixolydii pari diversitate, postremo hypermixolydium acutissimum. Practici recentiores post Henricum Glareanum ^a sex tonos authentes ponunt ex harmonica, totidemque plagas ex arithmeticâ divisione diapason: nec plures esse posse contendunt, quod non sint plures species diapason. Lucius Apuleius ^b modos sic recenset. Seu tu velles Aeolianum, simples, seu Asiam varium, seu Lydium querulum, seu Phrygianum religiosum, seu Dorianum bellicosum. Hunc vero Apuleii textum corruptum esse monet Glareanus l. 2. c. 11. & non Asiam legendum, sed Iastium, nam de modo Asio nulla apud reliquos Scriptores mentione est. Philostratus Lemnius ^c Aeolia, & Pamphilia modulamina commemorat. Euclides, Aristoxenus, Plutarchus, Quintilianus Aritides, Lucianus, Athenaeus, Emmanuel Bryennius, & omnes antiqui Scriptores, discrepant non in numero tantum & nomine, sed in eorum etiam initii, proprietatibus & finibus assignandis. Referunt hac de re varias eorum sententias Bulengerus ^d, Galileus ^e & Joannes Baptista Donius ^f. Sed hanc omnem controveriam de vocibus esse hinc colligo, quod ex hominum arbitrio pendeat, quis primus tonus sit, quis secundus, quis tertius. Debet enim investigari omnium specierum diapason natura ex gravitate & acuminè vocum; sive ex intentione & remissione chordarum, quæ certa & invariabilis est; seu tonum illius diapason primum, seu tertium nuncupemus. Porro modi musi-

ci-

^z Censorin. cap. 21. ^a Henric. Glarean. in dodeca chordo. ^b Apuleius lib. 3. floridor. ^c Philostrat vita Apollon. l. 1. c. 10. ^d Buleng. 2. de Theatro, c. 17. ^e Galileus l. de mus. antiqu. ^f Dominus de tonis antiqu.

^g ibid. lib. 4. cap. 14.

ci gentium vocabulo designati sunt, quæ pro varietate morum, & ingeniorum variis etiam modis delectabantur. Sic nos quoque diversum musicæ stylum apud diversas nationes esse di-gnoscimus. Sunt Gallicæ modulationes hilares, molles, concitatae, choreis, & saltationibus idoneæ: Hispanicæ severæ, vehementes, tetricæ: Italicae graves, magnificæ, nobiles, insinuandæ pietati, moribusque effor-mandis aptissimæ.

3. Illud autem ab antiquis observatum est, nunquam ab aliqua gente mutatam fuisse musi-cam, quin & ipsa in deteriori mutata, ipso mutantium mores in pejora delapsi sint. Ideo quotquot scriperunt de musica semper recen-tiori rejecta, antiquam commendarunt. Plu-tarchus libro de musica: At enim, ait, apud antiquiores Græcos ne notam quidem dicunt musicam, quæ theatris inserviret: totam scien-tiam illam Deorum venerationi, & adolescen-tum institutioni impensam fuisse. Omnis tunc musica in templis versabatur. Caeterum no-stris temporibus ejus musicæ, qua ad disci-plinam puerorum facit, nulla memoria, nul-la cura: omnes theatris inservient ampli-ctuntur. Qui ergo vult musicâ recte & cum judicio uti, is veterem modum amuletur. Ba-silius Magnus g. Tanta melodiæ rectæ dif-ferentia à turpi atque obscœna est, ut eam, quæ nunc in usu est, non minus fugere debeatis, quam rem aliquam turpissimam. Athenæus i in cœnis sapientum Musicanam sancæ veteres opti-mè neverunt, ejusque leges non sunt præter-gressi: nunc autem senio jam cunctis labescen-tibus, depravati sunt musices numeri, & pro benignitate mollities, pro temperantia inso-lens audacia, ignavusque animi languor ir-repsit: que mala magis post hac vigebunt, nisi quispiam patriam musicam in pristinum splen-dorem afferat. Sextus Empyricus i: Musica verus virilis erat, recens effracta & effeminata. Severinus Boëthius k: Amisit musica gravita-tis & virtutis modum, ac penè in turpidinem prolapſa minimum antiquam speciem servat. Iterum Athenæus l. Modus Ionicus minimè floridus & latus est, sed austerus, & durus; in quo tamen deprehendas elatum quidpiam generosi-tatis non expers, quamobrem amat concentum illum Tragœdia: nostrâ vero ætate Ionum mo-

g Basl. hom. de legendis Gentil. libris. h Athenæus l. 14. i Sext. Empyr. l. 6. adv. Mathemat. c. 22. k Boeth. l. 1. c. 1. l Athen. lib. 14.

res delitiis sunt perditissimi, corumque itidem cantus ab illo vetusto multum diverfus. Maxi-mus Tyrius m: Musica ut nunc est extenuo corpore incidens, pulchritudinem, & suavitatem illam veterem abjecit. Quapropter à lege propria deflectens calamitosa nobiscum efficitur, animumque tum publicè tum privatum in per-niciem trahit: relicta autem priori simplicitate, in levitatem fatuam abiit, & ut verissimè dicimus, evalit in flagitium; nam in theatris ac scenis corrumpenda Reipublicæ initium fecit. Cicero secundo de legibus: Affectione Platoni nihil tam facile in animos teneros, atque molles infusere, quam varios canendi sonos, quo-rum dici vix potest, quanta sit vis in utramque partem. Civitatum hoc multarum in Græcia interfuit antiquum vocum servare modum, quarum mores lapsi ad mollitatem pariter sunt im-mutati cum cantibus: aut hæc dulcedine cor-ruptelaque depravati, ut quidam putant: aut quod cum severitas eorum ob alia venialia ce-diisset, tum fuit in auribus, animisque mutatis etiam huic mutationi locus. Quamobrem ille quidem sapientissimus Græcie vir, longeque doctissimus valde hanc labem veretur, negat enim mutari posse musicas leges sine mutatione legum publicarum. Rursus Plutarchus in La-conicis Terpantrum, Timotheum, ac Phry-nidem multatos ab Ephoris enarrat, quod vel unam citharæ chordam addidissent, quam & incidi iusserunt: adeo non permittebant de veteri musica aliquid immutari. Has veterum sententias eò libentius transcripsi, quo magis hodiernæ musicæ deplorabilis status in-notescat. Fastidit etas nostra concentum gra-vem, & stabilem, amataque modulos quosdam, quibus in frustra concisis cantus diffiliat, & enervetur. Ipse cantus Ecclesiasticus quam à vero Gregoriano diffimilis est! Adeo verum est quod scribit Xenophon n, ea quæ nova sunt, & ipso quasi in flore vehementer in musicis ce-lebrari.

4. Sed revertor ad tonos, quos à Gentibus denominatos dixi, & cum carum moribus im-mutatos. Sunt autem, quod atinet ad Eccle-siasticum cantum, octo. Primus, tertius, quintus, & septimus dicuntur principales, & authenti: Secundus, quartus, sextus, & octavus inferiores & plagales nuncupantur. Authenti supra finaliæ ascendunt usque ad diapason, & una tantum voce descendunt: Plagales ascen-dunt

m Max. Tyrius sc. 21. n Xenoph., lib. 1. Cyriped.

dunt supra finalē usque ad diapente, five quintam; infra vero descendunt usque ad diatessaron, five quartam. Quatuor sunt chordæ finales tonorum, nam primus, & secundus definunt in lychano hypaton: tertius, & quartus in hypate meson: quintus, & sextus in parhypate meson: septimus, & octavus in lychano meson. Cum autem omnis tonus plenam diapason contineat, atque ea ex diapente, & diatessaron componatur: hoc discrimen est inter duos tonos in eadem chorda definites, quod is qui authentus est, plenum diapason habet supra finalē: plagalis vero habet quidem diapente supra finalē, sed diatessaron quæ diapason complet sub finali collocatur. Legendi hac de re practici recentiores, atque inter ceteros doctissimus Clareanus, qui de modis musicis eruditè differuit in suo Dodecachordo: Itemque Franchinus Gafforius libro quarto musicæ instrumentalis, & in descriptione musicæ actionis: Petrus Pontius in dialogo de musica: Joseph Zerlinus, & Petrus Aron in harmonica institutionibus: iterum Zerlinus lib. 6. supplementi musicalis, & in defensione quintidemonstrationum harmonicarum: Frater Angelus Minorita lib. 1. Floris Angelici: & Marchettus Patavinus in tractatu de cantu plano. Is autem tonus, quem nos primum dicimus, Dorius est antiquorum, ut musici communiter existimant, quod tamen non caret difficultate, quam tangit, sed meo iudicio non dissolvit præcitatissimus Clareanus lib. 2. cap. 9. secundus Hypodorus, tertius Phrygius, quartus Hypophrygius, quintus Lydius, sextus Hypolydius, septimus Mixolydius five lydius mixtus. Octavo carebant antiqui, nam revera Mixolydius plagalem, seu collateralem non sustinet modum: gravius enim trachordum illius cum gravissimo Dorii coniunctum est. Verum de singulis tonis, eorumque constitutione, & proprietatibus uberiorius infra differemus, si prius dubitatio quadam soluta fuerit, quæ non indigna videtur solerti discussione.

5. Nam si primus noster modus Dorius est antiquorum, si Phrygius idem ac tertius, & sic de ceteris: cur non eosdem pariunt effectus? Cur non isdem sonantibus modis & tranquillari animum, & commoveri sentimus? Possem equidem respondere non omnes antiquos musicos & cantores hos admirabiles effectus edidisse; sed eos tantum, qui in hac disciplina pe-

ritissimi fuissent, qui cum rari semper fuerint, ita non desunt etiam hac tempestate, qui cum veteribus comparari possint. Satis est tamen fateri id quod veritatum est, priscos illos modos nos nescire, illudque in primis, in quo maximè excelluerunt. Errant itaque toto caelo, qui generum illorum differentias ignorantes acumen tantum, & gravitatem sonorum considerant. Non enim, ut hoc utar exemplo, Doricæ harmoniae præstabit effectus omnis cantus à lychano meson usque ad Paratenon protensus, nisi etiam præter suæ octavæ compositionem alia quædam habeat ad excitandos affectus requisita. Sunt autem quatuor, ni fallor, hæ conditiones, quibus positivis musica procul dubio inducit hominem in variis affectus, & commotiones. Prima conditio est, ut harmonia ex vocibus, & sonitu proveniens juxta toni exigentiam rectè ordinetur. Secunda ut numerus musicus, quo modulationis totius series à gravi in acutum, & ab acuto in grave procedit qualitatib[us] verborum, & toni accommodetur. Hie est numerus, quem vulgus vocat aërem cantionis, de quo Poëta. Numeros memini, si verba tenerem. Tertia ut ipsa verba talia sint, quæ mentem percellere, & commovere possint. His adjungebant antiqui totius corporis motus, ac gestus patheticos ad excitandos affectus aptissimos. Quarta tandem, ut, qui musicos concensus audit, non tam aurem quam rationem adhibeat, uti docet Boetius^o, sitque aptus & dispositus ad musicæ effectus recipiendos. Fit enim quandoque, teste Divo Bonaventura^p, ut propter pravam audientis dispositionem, quem musica invenit tristem, reddat tristorem; & quem lœtam, lætiorem. Istæ conditiones si ad toni systema adjiciantur, efficient, ut puto, musicam nostram veteri non inferiorem: aliquin omnes affectus in omnibus tonis confusi, singulisque permixti sunt pro varietate modi procedendi, ut Keplerus^q observat. Non possum hoc loco quorundam errorem dissimulare, qui suæ inscitie frivolam prætententes excusationem, ajunt musicam nostram insignes illos effectus, quos in veteri admiramus, operari non posse, quia omnis musica nostra in genere Diatonico est; antiqui autem Enharmonico, & Chromatico utebantur, quæ cantus genera jam pridem antiquata ad mentes hominum subito commovendas aptiora

TETTETETE eraut.

^o Boet. lib. 1. c. 9. p Bonav. prolog. in Thren.
^q Kepler. tract. 3. harmon. c. 15.

erant. De triplici hoc genere differunt antiqui Musici Aristoxenus, & Nicomachus Geraeus in suis Harmonicis institutionibus, Euclides item, & Theo Smyrnaeus^r, & ex ipsis aliis recentiores. Porro genus Enharmonicum illud dicitur, quod pluribus spatiis, & angustioribus separatur: cantatur autem per diesim, & diesim, & ditonum. Chromaticum autem per duo inæqualia semitonia, & trihemitonium constans ex tono, & semitonio minori consenit. Diatonicum vero per duos tonos, & semitonium naturaliter procedit. Hoc postremum aliis generibus dignitate, & efficacia præeminet; & sine ejus mixtura reliqua duo subsistere nequeunt; atque ideo supradictam opinionem mirabiliores musicae effectus Chromatico, & Enharmonic generi tribuentum damnat, ac pluribus confutat Joseph Zerlinus^s excellensissimus musicorum. Accedit ad rationem experientia: nam Enharmonicum ob nimiam difficultatem, Chromaticum ob nimiam molitatem jam pridem ab usu recessit, ut docet Macrobius^t. Plato quoque antiquissimus Philosophorum solo Diatonicum utebatur, quod & mundanæ musicae adscripsit. Plutarchus^u repudiatum asserit Enharmonicum genus, quod sensu ingratum foret. Aristoxenus initio libri primi veteres solo genere Enharmonicu usos esse perperam asserit, cetera neglexisse, vel ignorasse, de quo acriter reprehenditur a Proclo lib. 3. in Timaeum Platonis. Damascius in vita Isidori Philosophi apud Photium^x, Naturus, inquit, ad musicam Asclepiodorus, desperditum tamen Enharmonicum genus non potuit revocare, quamquam alia duo cantus genera rescinderet, & reprimeret, alterum Chromaticum appellatum, alterum diatonicum: harmoniam tamen non invenit, quamvis magades mutarit, & transpoluerit non minus quam viginti duas: Sunt autem magades instrumenta musica tabula quadrata repanda, qua in se recipit chordas, & efficit sonum. Dicitur etiam magadim ea pars lyrae, in qua plectrum illiditur, ubi scilicet percussio chordarum fit manu dextera, ut Budaeus notavit. Vide Suidam verbo μέρης. Aristoteles item solum genus diatonicum commendat: & tamen musicam illorum temporum mirabilem fuisse exemplum.

^r Theo. lib. 2. Matth. cap. 9. ^s seqq.

^t Zerlin. par. 2. cap. 9. ^u Macrob. in Somn. Scip. li. 2. cap. 4. ^x Plutarch. li. de musica. ^x Photius Cod. 242.

pla crebra testantur. Servanda igitur est cujusque modi proprietas: nam ut verbis utar Plutarchi, si musicæ peritiae accedat facultas judicandi, his prædictum constat perfectum musicum fore. Qui enim novit Doricum tonum, neque tamen judicare potest ubi is propriè, & convenienter usurpetur, non sciet quid faciendum sit, neque genium ejus servabit. Idem auctor eos redarguit, qui initio carminis hypodorum, in fine mixolydium, aut Dorium: hypophrygium & Phrygium in medio adhibent: quam culpam multi recentiores committunt omnium tonorum definentiam confundentes, solidam enervantes concinnitatem, ut auribus gratificentur. Sic fit, ut eorum musica talis sit, qualem Plato describit in Philebo, quæ videlicet obscuritatem multam habeat, soliditatem paucam. Sed jam tractatum ad singulos tonos conferamus.

S. IV.

De singulis tonis, eorumque proprietatibus, & effectibus. Quædam de cantu Gregoriano.

I. **P**rimam sedem ordine, & dignitate tenet Dorius. Hic à Platone, & Aristotele ceteris omnibus præfertur. Hoc modulo psallent antiqui prosodia multa, & paenæ, erotica etiam, & quæ spondæa nominantur. Dux ad bene vivendum existimat hic modus. Arcades, & Lacedæmones hoc impensius delectabantur, teste Polybio^y. Virilem, ait Athenæus^z, præ se fert gravitatem, & magnitudinem, unde veteres eo utebantur ad efformandos adolescentium mores. A Cassiodoro^a pudicitia largitor, & castitatis effector dicitur. Hoc Pythagorici summo manè ad intermissa studia se excitabant. A Ptolomæo^b, qui octo tonos sphæris cœlestibus convenire docet, lumenoso soli comparatur, nam sicut Sol humida exsiccat, noctisque tenebras fugat; ita hic tonus, qui phlegmati dominatur, pigritudinem, stuporem, somnum, mœstitudinem, & confusionem ex motione phlegmatis provenientem statim expellit. Viris præclaris, magnoque ingenio præditis convenient. Modestus est, hilaris, curiosus, magnificus, sublimis, nihil solutum habens, nihil molle, & ad omnes affectus idoneus.

Ali-

^y Polyb. lib. 4. ^z Athen. lib. 14. ^a Cassiod. lib. de mus. sciq. ^b Ptolom. lib. 3. Harmonic. c. 11.

Aliquando chorda ejus finalis in mese constituitur, & tunc idem est, ac Hypermixolydius Ptolomai, & à recentioribus practicis nonus tonus, ab aliis Æolius nuncupatur.

2. Secundo loco Hypodorus, sive subdorius est contrario modo se habens, somnum enim le-nem inducit, eoque Pythagorici vespere ute-bantur ad mitigandas animi curas, & quietem conciliandam. Pigris, mœstis, ac miseriis con-venit, & ut docet Celsiodorus, animi tem-pe-states tranquillat, somnumque jam placatis at-tribuit. Ab Aristotele ^c magnificus, constans & gravis dicitur. Æolium a quibusdam, sed falso, nuncupari docet Scaliger ^d. Lunæ com-paratur, quæ infimum tenet locum inter Plane-tas, rebusque humidis præst: ita hic tonus fle-bilis, & gravis, cæterisque inferior est usque ad postremam vocem Monochordis descendens. Verba quæ mœstiam inducunt, lacrymas mo-vent, liberationem ab angustiis, calumniis, & servitute depreceant, huie tonò attribuuntur. Si definat in mese decimus, & Hypoælius vo-catur. De hoc, & cæteris plagalibus hæc scri-bit Athénæus ^e. Sicut nos subalbū dicimus, quod albo simile est, subdulce, quod accedit ad dulce, quamvis non sit hujusmodi: ita & Hypo-dorium appellatum fuisse arbitror, quod Do-rium valde non sit.

3. Tertius sequitur, quem Phrygium dicunt. Mari attribuitur, nam furiosus est, & incitati-vus, iram provocat, pugnas excitat, & votum fu-roris inflamat. Vehementem, & acutum vo-cat Clemens Alexandrinus ^f, & ipsa acuminis velocitate vehementius percellit animum. Huic modo carmen congruit anapestum. Fortes ha-bet saltus in sua progreßione, convenientque su-perbis, iracundis, crudelibus, cholericis, & fu-riosis. Verba requirit aspera, deque præliis spiritualibus, vel temporalibus pertractantia, & quæ celerius debeant affectus concitare. Hunc autem simul cum Dorico Plato, & Ari-stoteles præ cæteris commendant: ejus tamen nūm adolescentibus interdixerunt, quod eorum affectus nimium circa decorum commoveat. Surisberiensis ^g hunc modum vituperat tan-quam incitantem ad lasciviam, cùm potius ad certamina provocet; sed Marti amicam Vene-rem fabulantur Poëtæ. Entheus à Luciano nuncupatur. De Phrygia harmonia eruditæ

^c Aristot. sec. 19. Problem. ^d Scalig. l. 1. Poëtic. c. 19. ^e Athen. l. 14. ^f Clem. Alex. li. 6. Strom. ^g Sa-rysib. lib. 1. Poërat.

Læl. Bisciola Hor. subs. tom. 1. lib. 15. cap. 18.

4. Quartus est Hypophrygius mollis, com-punctivus, cholera mulcens, blandus, adulato-rius, & attractivus. Mercurio assimilatur, cuius natura cum bonis bona, cum malis pessi-ma est: sic adulatores, quibus hic tonus maxi-mè congruit, bonis & malis, sapientibus & insipientibus æqualiter se accommodant. Illis item competit, qui faciles sunt, teneri, statim-que sedari, ac mitigari solent, & in omnem partem converti. Hoc Cretenses, & Lacedæ-monies à pugna revocabantur. Verba quæ blan-ditias, admonitiones, deprecations, decep-tiones, & detractiones significant, huic tono sunt alignanda. Dicit Aristoteles quod Hypo-phrygius animos lymphatis similes reddit, co-gitque debacchari. Hæc proprietas quamvis Phrygio propriè conveniat, huic tamen den-geanda non est ob affinitatem, quam habet cum suo authento, quem & aliquando imi-tatur.

5. Quintum occupat locum Lydius. Hic san-guinis dominium obtinet, & Jovi comparatur, qui homines sanguinos, benevolos, mites, & jucundos sua influentia facit. Delectabilis est, choreis & saltationibus idoneus, & cum quadam voluptate resiliens. Nimias curas, ait Celsiodo-rus, animæque tedia remissione reparat, & oblatione corroborat: anxios lætitiat, revo-cat desperatos. Verba lætitiam denotantia, & quæ victoriā, ac triumphum celebrant hu-jus toni propria sunt. Quando definit in trite diezeugmenon undecimus tonus, sive Jonicus, vel etiam Jastius à recentioribus; ejusque plagi duodecimus, hypojonitus, vel hypojaetus nuncupatur. Harmonias Lydias luctuosas esse assertit Plato ^h, sed de hypolydiis, & mixoly-diis intelligi debet: Lydia enim simplex, & principalis hilaris est, quare Propertius ⁱ in campus Elisiis Lydia plectra resonare com-morat.

6. Sextam tenet sedem Hypolydius, qui pius, devotus, humanus, & lacrymabilis est. Ve-neri attribuitur, cuius influentia homines reddit ad pietatem, amorem, & planetum proclives. Differt ab Hypodorio, quia fletus ab illo cau-satus ab angustiis, & anxietatibus oritur: hic autem ex devotione, & leticia, vel ex affectu commiserationis erga proximum procedit. Verba igitur hos affectus inducentia, vel ex-pllicantia ei propriè competunt. In hujusmodi

T tttt ² com-
h Plato 3. de Rep., i Propert. lib. 4 eleg. 7

compositione advertendum est, ut voces gradatim progrediantur, sicutque inter se colligatae, & coadunatae.

7. Septimus Mixolydius est, qui suis modulis duplice product effectum, incitat enim ad gaudium, sed statim revocat ad mestitiam. Dicitur Mixolydius, quia cum Lydio communionem habet. Eo in tragediis utebantur antiqui, nam & melancholiā movet, partem habet incitationis, ac jucunditatis. Quos Saturnus sua influentia tristes facit, hic tonus concinnitate sua ad quietem incitat, & adducit. Intellectum obtusis acuit, sanctique Spiritus dona designat. Altior est omnibus tonis, perque suaves, & jucundos saltus progradientur: tum terreno desiderio gravatis cœlestium appetitiam indulget. Ex his patet, que verba hunc tono convenient. A Julio Polluce Locrensis appellatur. Hos septem tonos dumtaxat agnoscerebant Pythagorici, teste Jacobo Fabro ^k, quod totius universi harmonia septenario numero secundum ipsos comprehenduntur.

8. Octavum tonum, quem Hypomixodium & Hyperastium vocant, adjecterunt septem praescriptis recentiores, ne Mixolydius suo plagali careret. Firmamento attribuitur varia stellarum figuraione distincto, nam & omnino negotio convenit, & immunis est ab omnibus qualitatibus. Super omnes tonos insita quadam dulcedine, & venustate nescit. Suavis, canorus, atque moratus dicitur, & soliditatem futuræ gloriae representat. Viris discretis convenit, & qui subtili ingenio profunda speculanturn. Verba itaque de rebus altis, & cœlestibus pertractantia ad hunc tonum non incongrue pertinebunt. Dicitur quoque deprecatus esse, quo propterea utendum erit cum aliquam felicitatem, & gloriam etiam cum lacrymis cupimus obtinere. Habet hic tonus hoc cum primo communie, quod omnia verba, que commode nequeunt reliquis applicari, ad hunc poterunt reduci; est enim aptus ad omnes affectus, & omnium capax.

9. Ceterum S. Gregorius Magnus cantum planum instituit, qui de plano procedens singulas notas brevis temporis æquali mensura dimittitur. Non enim variarum vocum concordem discordiam, & concinnam per intervallorum distantiam melodiam observavit; sed certos tantum limites, & terminos cuiusque toni constituit, certosque vocum transitus, & pro-

gressiones secundum naturalem diatonici generis dispositionem. Observat autem Franchinus Sanctorum Gregorium in nocturnis Responsoriis vehementer, & dissolutè somnolentos ad vigilandum hortari: in Antiphonis plane, atque suaviter sonare: in introitibus quasi voce præconis ad divinum officium evocare: in Alleluja & versibus divino jubilo dulciter gaudere: in tractibus & gradualibus protense, atque humiliter procedere: in offertoriis, & communionibus quamdam servare mediocritatem. Ut ipse vero cantus supernae Patriæ laetitiam indicet, aliquando sine voce longum edit sonum jubilationis pluribus notis sub una syllaba descriptis, quod maximè fit hac voce *Alleluja*. Illi enim qui cantant, ait Augustinus ^m, cum ceperint in verbis Canticorum exultare laetitia, veluti impleti tanta laetitia, ut eam verbis explicare non possint, avertunt se à syllabis verborum, & eunt in sonum jubilationis. Jubilus sonus quidam est significans cor parturire quod dicere non potest. Et quem decet ista jubilatio, nisi ineffabilem Deum? Ineffabilis enim, quem fari non potes; & si eum fari non potes, & tacere non debes, quid restat nisi ut jubiles? Ut gaudeat cor sine verbis, & immensa latitudine gaudiorum metas non habeat syllabarum. Narrat Joannes Diaconus ⁿ in vita Magni Gregorii, qualiter Beatusissimus Pontifex Cantorum scholam instituerit, & cantum Ecclesiasticum reformat. Queritur autem Gallos, & Germanos, Gregorianis cantibus quedam propria miscuisse: cuius rei hanc reddit rationem. Alpina siquidem corpora vocum suarum tonitruis altifone perfrepentia suscepit, modulationis dulcedinem propriè non resultant: quia bibuli gutturi barba feritas dum inflexionibus, & repercussionibus mitem nititur edere cantilenam, naturali quodam fragore quasi plaustra per gradus confusa sonantia rigidas voces jactat, siveque audientium animos, quos mulcere debuerat, exasperando magis ac obstrependo conturbat. Refert inde, qualiter Carolus Magnus cantum Ecclesiastum Galliae ad Romanæ dulcedinis præscriptum revocari, directis in Gallias ea de causa duobus cantoribus à Sanctissimo Papa Adriano. Scribit Henricus de Knyghtron Canonicus Leycestren. libro 2. de eventibus Anglie circa annum 1072. fuisse quemdam igno-

^k Faber in fine l. 4. element. musicalium.

^l Franchin. l. 3. c. 8. m Aug. in Psal. 32. Concl. 11
n Ioh. Diacon. l. 2. cap. 6. & seqq.



ignominiosum Abbatem nomine Thuristinum, qui inter cæteras stultitiae sue inceptias Gregorianum cantum in officio apernatus, Monachos cecepit compellere, ut Wilhelmi cuiusdam Fifcanensis Monachi cantum excercent. Hujus ineptriam in fine praecedentis sæculi quidam initati cantum quedam ridiculum exploso Gregoriano introduxerant, non sine maximo Ecclesiastice gravitatis detimento. Sed hæc de cantu dicta sunt satis, jam recte canendi disciplinam breviter explicare ex sanctis Patribus aggredior.

§. V.

*Qualis esse debeat Ecclesiasticus cantus.
Quæ virtus à Cantoribus evitanda. Quin
nam censeantur bene cantare. Quæ vera
musica, quis verus anima concentus sit.*

1. Nde autem mihi potius exordium, quam à sanctissimo Patre Bernardo in re præsertim ascetica, & religiosa tu is igitur Epistola ad Abbatem Arremarensem qualis debeat esse cantus sic describit. Cantus plenus sit gravitate, nec lasciviam resonet, nec rusticitatem. Sic suavis, ut non sit levis: sic multeat aures, ut moveat corda. Tristitiam levet, iram mitiget, sensum literæ non evacuet, sed fecundet. Non est levis iactura gratiae spiritualis levitate cantus abduci a sensuum utilitate, & plus suuandis intendere vocibus, quam rebus insuandis. Item pro alibi cantantium virtus sic redarguit. Sunt quidam voce dissipati, qui vocis suæ modulatione gloriantur, nec tantum gaudient de dono gratiæ, sed etiam alios spernunt. Tumentes elatione aliud cantant, quam libri habeant, tanta est levitas vocis, forsitan & mentis. Cantant, ut placeant populo, magis quam Deo. Si sic cantas, ut ab aliis laudem queras, vocem tuam vendis, & facis eam non tuam, sed suam. Habet in potestate vocem tuam, habet & animum. Frangis vocem, frange & voluntatem. Servas consonantias vocum, ferva & concordiam morum. Cave ne sicut delectaris altitudine vocis, delecteris elatione mentis. Ingenium musicum à proportione in voce reducendum esse ad proportionem in men-

te ostendit Plotinus ⁹. Nimis enim indignum videtur, & nimis flendum, ut ait Augustinus ¹⁰, per suam scientiam veritatem bene currere, citharamque concinnare, & suam vitam, sequi ipsam quæ anima est devium iter sequi, & dominante sibi libido cum turpissimo feititio rum strepitu dissonare. Extat etiam in antiquissimo nostri Ordinis statuto optima canendi institutio, quam idem sanctissimus Pater Bernardus suis discipulis reliquit. Psalmodiam, inquit, non nimium protrahamus, sed rotunde & viva voce cantemus. Metrum & finem versus simul intonemus, & simul dimittamus. Punctum nullus teneat, sed statim dimitat. Post metrum bonam pausam faciamus. Nullus ante alios incipere, & nimis currere presumat, aut post alios pneuma trahere, vel punctum tenere. Simil cantemus, simul pausemus semper auscultando. Quicunque incipit Antiphonam, aut Psalmum, Hymnum, Responsorium, Alleluia, unam aut duas partes solus dicat alii tangentibus: & ab eo loco, quo ille dimittit, alii incipiunt non repetentes, quod ille jam dixit. Monemus vos dilectissimi, ut, sicut reverenter, ita & alacriter Domino allistatis non pigris, non somnolenti, non oscitantes, non parcentes vocibus, non præcedentes verba dimidia, non integra transfilientes, non fractis, & remissis vocibus muliebre quiddam de nare sonantes, sed virili sonitu & affectu voces sancti Spiritus depromentes. Viros enim decet virili voce cantare, & non more foemino tinnulis vel falsis vocibus veluti histroniacam imitari lasciviam; & ideo constituimus mediocritatem in cantu servari, ut gravitatem redoleat, & devotio conservetur. Haec statutum Cisterciense. Liquet autem ex dictis, quænam debeant virtus Ecclesiastici cantores evitare.

2. Et primò quidem receptum à majoribus cantum integrum oportet, & illibatum custodiare, ne si semel aberrare coepierimus à semitis antiquis, quas posuerunt Patres nostri, paulatum inconsultis mutationibus religionis integritas destruatur. Mutant mores qui mutant cantum, ut supra ex Platone monstratum est. Deinde in ipso cantu auream decet servari mediocritatem, ut, qui beneficij fructus, corporisque alimenta integra percipere volunt, integrum etiam persolvant officium, non tumultuaria quadam præcipitatione

Tttt 3 lon-

⁹ Plotin. Enn. I, lib. 3, cap. 1. ¹⁰ Aug. lib. 2, de ordine cap. 2.

longiores notularum cursus transfluentes, sed moderata & qualitate omnes notas ita proferentes, ut nimia acceleritate, ac morosa protractione sublata ex dulci vocum concordia omnes fideles ediscantur. Alioquin extra legem canenti dicer Deus ^s, *Auer a me rumultum carminum tuorum, & canica lyra tua non audiam.* Nec ad solam cantus suavitatem intendere oportet, ut monet Dorotheus ^t, sed mens etiam, ut par est, incalescat in virtute sermonum. Apud Xenophontem ^u Rex Cyrus quosdam convivas sic reprehendit: Omnes enim clamabatis simul, & intelligebatis invicem nihil, canebatis magno cum ridiculo, & cum canentem minimè audiretis, jurabatis optime eum canere. Hac redargutione quidam Ecclesiastici perstringi possent, qui modum in cantu non servantes in anno quodam stridore ita prestrepunt, ut nec ipsi, nec alii ea quæ cantantur, intelligent. Gregorius Nazianzenus ^v senilem narrans apogum, Cigni, inquit, Olim ad hirundines aiebant, si non multum, nec apud multos canimus, at illud certe in nobis pulcherrimum est, quod modum in canendo tenemus. Servanda quoque modestia in capitu est, quia, ut sanctus docet Ambrosius ^x in ipso canendi genere prima disciplina verecunda est, ut sensim quis aut psallere, aut canere incipiat, ut verecunda principia commendent procerum. Nam quid in plano cantu stridulis, inanis, & superacutis vocibus obstrepare necesse est, cum talis clamor immoderatus stomachum turbet, venas exhauriat, vires enervet, aures offendat, provocet risum, confusione excitet, impedit devotionem? Non in clamora voce, ait S. Benedictus ^y, sed in puritate cordis, & compunctione lacrymarum nos exaudiiri scimus. Altè cantat apud Deum humilitas, sicut dicit Scriptura ^z. *Oratio humiliantis se penetrat nubes.* Nec minoris culpe reos illos existimo, qui prater religionis gravitatem vocem, ut ajunt, frangentes, dum dulcioribus modulis populo magis, quam Deo placere desiderant, & vanitatis studio Deo dispergunt, & scandali occasione populum offendunt. Vanam istorum curiositatem Joannes XXII. Ecclesiae Romanae summus Antistes gravi animadversio ne condemnat in ea extravaganti quæ incipit.

^s Amos 5. 23. ^t Dorothe. initio doctr. 22. ^u Xeph. 1. ^v Cyriped. ^x Greg. Naz. Ep. 1. ^y Ambros. l. 1. de offic. cap. 18. ^z Bened. in Regula cap. 20. ^o 25. ² Eccl. 35. 24.

Docta sanctorum Patrum. Divus etiam Hieronymus ^b eosdem redarguit dicens; Audiant haec adolescentuli, audiant hi, quibus psallendi in Ecclesia officium est, Deo non voce sed corde cantandum: nec in tragediorum modum guttur, & fauces dulci medicamine colliniendas, ut in Ecclesia theatrales modi audiantur, & Cantica; sed in timore, in opere, in scientia Scripturarum. Quamvis sit aliquis, ut illi solent appellare, ^{μαρτυροφωνος}; si bona opera habuerit, dulcis apud Deum cantor est. Haec autem verba S. Doctoris citat & amplificat Agobardus Episcopus Lugdunensis libro de correctione Antiphonarii. Denique damnari sunt illi, qui parcentes vocibus suis rapinam faciunt in holocaustis, qui vitulos scilicet labiorum suorum Domino reddere negligentes vel dolorem capit, vel stomachi debilitatem, vel exilitatem vocis praetendunt ad excusandas excusationes in peccatis: cum revera totum in eis fibi vendicent mentis evagatio, distraictio cordis, carnis inertia, & propriæ salutis incuria. Non enim considerant, quod qui à communī labore se subtrahunt, communī etiam retributione carebunt, & qui Ecclesiam servitute, proximum aedificatione, Angelos letitiae, sanctos gloria, Deum cultu defraudent; ipsi quoque Dei gratia, sanctorum suffragiis, Angelorum custodia, proximi adjutorio, Ecclesiae beneficiis se reddunt indignos. *Qui reminiscemini Domini:* ait Propheta ^c, ne taceatis, neque deis silentium ei. Psalmographus etiam dicit ^d, *Benedic Domini in omni tempore, semper laus eius in ore meo;* & *e in te cantatio mea semper;* & *f Confidemini illi in voce laborum vestrorum;* & *g Benè psallite illi in vociferatione.* Eis enim qui legitimè canunt, & sapienter psallunt, inquit Rupertus Abbas ^h, remuneratio vel præmium erit carmen æternum. Ergo, ut præcipit S. Benedictus ⁱ, sic stenus ad psallendum, ut mens nostra concordet voci nostræ.

^{3.} Hæc optima symphonia est, quæ non in vocibus tantum, sed & moribus resonat, & in recto virtutum temperamento. Musica, ait Cassiodorus ^k, est scientia benè modulandi, quod si nos bona conversatione tractemus, tali disciplinæ probamur semper esse sociati: quando vero iniquitates gerimus, musicam non

^b Hieron in cap. 5. ad Ephes. ^c Isai. 62. 6. ^d Ps. 33. ^e Psalm. 70. ^f Eccli. 39. 20. ^g Psalm. 31. ^h Rupert. lib. 10. in Apoc. ⁱ Bened. reg. cap. 19. ^k Cassiod. lib. de musica.

non habemus. Recitè Augustinus¹. Vis recte psallere². Non solum vox tua sonet laudes Dei, sed opera tua concordent cum voce tua. Cum ergo vox cantaveritis: filebis aliquando³: vita sic canta, ut nunquam fileas. Vis ut Deo tua jucunda sit laus⁴. Noli bona cantilenas tue obstatere moribus malis. Plus ille attendit quid vivas, quam quid sones. Quam multi sonant voce, & corde muti sunt! Et quam multi tacent labiis, & clamant affectu! quia ad cor hominis aures Dei. Sicut aures corporales ad os hominis, sic cor hominis ad aures Dei. Multi clauso ore exaudiuntur, & multi in magnis clamoribus non exaudiuntur. Denique cantat Deo qui vivit Deo, psallit nomini ejus, qui operatur in gloriam ejus. Hæc Augustinus, cui adstipulatur Origenes⁵ his verbis: Quis putas ita canore vocis est, & ita spiritus puræ mentis, qui sincerè canat, ut cantilena ejus divinum delectare possit auditum? Ille profecto est, qui nullum raucum habet in se peccati sonum, qui nihil offensionis in lingua, nihil crastitudinis in spiritu gerit. Quid prodest sonoris voci bus personare, si vita dissona sit? Doces me, inquit Seneca⁶, quomodo inter se acutæ ac graves voces consonent, quomodo nervorum disparem redditum sonum fiat concordia; fac potius quomodo animus secum meus consonet, nec confilia mea discrepent. Monstras mihi qui sint modi fribiles, monstra potius quomodo inter adversa non emittam flébilem vocem. Sic & Diogenes Cynicus⁷ musicos in jus vocabat, quod cum lyra chordas congruè aptarent, animi mores inconcinos haberent. At quorum vita cum cantu, opera cum voce concordant, horum suavissima est harmonia, gratissimus Deo concentus. Sonet, ait ille ad tales animam, sonet vox tua in auribus meis, vox enim tua dulcis, & facies tua decora: amici auscultant, fac me audire vocem tuam. O amoris ordinatissimas vices, o animæ amantis consonantissimam melodiam! Ergone credibile est sic Deum humanis cantibus delectari, ut animam sibi dilectam ultrò provocet ad cantandum? O cœlestem virtutum musicam, quæ exuperat omnem sensum, quæ resonat in anima justi; sed ab his qui foris sunt, qui non sunt amici, comprehendi non potest. Facit Deus concentum istum cum sanctis suis, & unusquisque pro varietate

donorum sonum reddit vel gravem humilitatis, vel acutum vivæ fidei, vel superacutum charitatis. Harmonia devoti cordis concentum ecclii dormire facit in modulis suis, si Deo & sibi ipsi concordat: & si cordis affectio cantat, Deus psallit, & exultat.

4. At ego Domine quali harmonia ad aures tuas personabo, qui totus dissonus per vitiorum cacophoniam esse reperio? A planta pedis usque ad verticem non est sanitas in me, & quomodo audebo tot cicatricibus deformis in conspectu tuo apparere? Numquid igitur à facie tua abscondar cum impio fratricida vagus, & profugus in terra: aut cum primis parentibus nuditatem meam inter folia, & virgulta calabo? Sed quo ibo à spiritu tuo, & quo à facie tua fugiam, cum scriptum sit, quia omnes qui elongant se à te peribunt? Ubi fugiam nisi ad te Deus meus? Tibi dixit cor meum, exquisivit te facies mea, faciem tuam Domine requiram. Ne avertas faciem tuam à me, qui eam non avertisti ab increpantibus & conspuentibus in te. Audi vocem meam secundum misericordiam tuam, & da sermonem rectum, & benè sonantem in os meum, ut placeant verba mea in conspectu tuo. Ecce tu summe concentor dabis vocis mee vocem virtutis, vocem dulcedinis & suavitatis, vocem bonorum operum invicem consonantium in organo charitatis. Sic erit beneplacita tibi musica mea, & labiis exultationis laudabit os meum. Sic te largiente replebitur os meum laude tua, & cantabo tota die magnitudinem tuam. Sic per concordes virtutum numeros ad antiquam baptismalis innocentiae musicam recubabit anima mea, donec cum Angelis, & Beatis felix diapason consummetur.

METRUM XLIV.

Nam me quis melior recreet sonus,
Quam moribus vox consonans?
Mystica transcludunt modularina
Quoscunque vocales tonos.
Vera etenim menti, non sensibus
Soleat placere musica.
O si perpetuum aures intimas
Permitteat mundi melos!
O si dulcissimos pangat modos
Latè patens vox ætheris!
Quam subito citbaras, atque organa;
Chorique voces, & tropos.
Sperneret indocilis mortalitas

Affictas

¹ Aug. in Ps. 146. Et in Ps. 129. & 107. m. Origen. hom. 6. in Iudic. n. Senec. Ep. 88. o Laertius lib. 6.

DE CANTU ECCLESIASTICO,

*Affuet a cœli cantibus!
 Harmonicis dissunt motibus:
 Lætisque subsiliunt choris
 Astra polo lucentia, dum vago
 Celum rotatur ambitu.
 Sic elementa animum dulcedine
 Aureisque compleant cantibus,
 Cum modulis resonant gravioribus,
 Tonosque acutos temperant.
 Et ibere sic terra consonat
 Canto mira musica.
 Respondeisque recursus siderum
 Mundi sonoris motibus.
 Omnis ab harmonico systemate
 Et terra pender, & polus.
 Ut nullus sit dissona litibus
 Natura musicæ studet.
 Nempe tonis confidunt mysticis
 Quæcumque Phœbus aspicit.
 Complexuque suo omnia colligat
 Dulcis modorum suavitatis.
 Nil concinna tamen concordia,
 Vocisque nil prodest melos:
 Dissona si morum sit musica,
 Deique jussis disperpet.
 Sesigitur veris concentibus,
 Suosque mores imbuat
 Psallere qui dignas laudes cupit,
 Numenque cantu flectere.
 Despicit orantium modulos Deum
 Cum moribus vox dissonat.*

§. Joannes Gerson triplici tractatu de Cantis; itemque duodecim tractatibus super Magnificat totius musicæ praxim moraliter, & analogice explicat diffusissime, quem studiosus lector, non sine magno animæ profectu percurret. Quid autem, & quotuplex sit musica morum, & virtutum, sine qua dissonat coram Deo musica vobum, & instrumentorum vir præclarissimus Absalon Abbas p his verbis exequitur. Planè musica ista vocalis ad laudem Dei satis congrua est, sed est alia quam docet supernus ille musicus, & illa nostræ saluti magis est necessaria. Sed quæ est illa musica, quam docet Deus? Ipsa profecto triplici specie subdistinguitur, alia est enim animalis, alia spiritualis, alia cœlestis. Animalis est musica, quando sensus exteriores nihil superfluum appetunt, & à ductu rationis nequaquam discordant, ut visus non aspiciat vanam, non auris audiat detracitio-

p Absal. Abb. ser. I, de Anima.

nes, vel judicium sanguinis, non odoratus querat suavia, non gustus superflua, non manus extendatur ad illi cito. Itæ sunt quinque vocales animalis musicæ facientes harmoniam, quæ dicitur diapente: constituitur enim de quinque corporis sensibus ordinatè constitutis. Spiritualis musica consistit in profectu virtutum, in gadio spirituali, & morum suavitate, in timore Dei & amore fraternitatis, per quam harmonia efficitur, quæ diatessaron est appellata. Quatuor ergo virtutes principales illam efficiunt, ut sit in omnibus benè agentibus fortitudo ad auxilium, justitia ad directionem, temperantia ad solitum, prudentia ad consilium. Cœlestis vero musica consistit in contemplatione Dei, in adeptione æternitatis, in mentis jucunditate, & immortalitate corporis: & facit hæc musica harmoniam, quæ dicitur diapason, siquidem octo beatitudines eam efficiunt. Haec enim ille. Hæc est musica, inquit Chrysostomus q, quæ Deum & Angelos laetificat, hæc totum in celo spectaculum excitat, hæc dæmonum furem compescit, & affectionem impetum demulcit. Nam dum charitas citharam pulsat, omnes affectiones silent, omnia quieta, omnia tranquilla sunt. Nos autem generibus musicæ jugiter exercemur, in concordia vobum & morum laudes divinas in hoc exilio decantantes, donec mereamur divinae musicæ confortes fieri, & ad consummatissimos cum sanctis Angelis Hymnos elevari.

q Chrys. hom. 40. in Act. Apostol.

CAPUT XVIII.

De variis ritibus, quibus utitur Ecclesia Catholica in recitandis divinis Officiis.

§. I.

Orthodoxam Ecclesiam varietatibus exornari. Varias Ecclesiastarum consuetudines unitati fidei non obesse.

ECCLESIA M Christi sponsam varietatibus circum amictam Regius Psaltæ, eo Psalmo describit, quo verbum bonum eructans ejusdem cecinit Epithalamium. Eamdem horti

r Psalm 44.

